

四庫全書

子部

欽定四庫全書

子部

普濟方卷一百二十一

詳校官太醫院醫官臣姜晟

編修臣倉聖脈覆勘

總校官庶吉士臣倉聖脈

校對官中書臣王鍾泰

謄錄監生臣邵颺

欽定四庫全書

普濟方卷一百二十
明周王朱橚撰

積熱痼冷門

諸熱

治熱結滯經年數發

用胡荽半斤五月五日採陰乾水七升煮取一升半
去滓分服未差更服春夏葉秋冬根莖並用亦可預
備之

治發熱口乾小便少用萎蕤五兩煮汁飲之

治大人及小兒發熱可取雞卵三顆白蜜一合相和服之立差卒熱悶用羚羊角屑作末研和少蜜服亦治熱毒痢及血痢

解熱以薤菜研汁作粥食之

竹葉湯治五心熱手足煩疼口乾唇燥胸中熱

竹葉 小麥各一升 知母 石膏各二兩 茯苓

黃芩 麥門冬各二兩 人參一兩半 生薑五兩

枯薑根 甘草 半夏 各一兩

右咬咀以水一斗二升煮竹葉小麥取八升去滓內

藥煮取三升分三服老小分五服

枳實湯

出千金方

治熱氣手足心煩熱如火

竹葉

二升

枳實

三兩

青箱子

白前

各一兩

吳茱萸

黃芩

各二分

枯薑根

麥門冬

各二兩

生薑

六兩

前胡

一角

半夏

各五兩

右咬咀以水八升煮取二升分三服

門冬丸

出十便良方

治心經有熱

麥門冬

一兩

川黃連

半兩

右細末煉蜜丸如桐子大食後熱水下二三十九或

門冬湯下食

千金地黃丸

出千金良方

治心熱

川黃連

四兩

生地黃

半斤

研取汁連渣二味拌勻日乾

右細末煉蜜丸如桐子大每服三十九食後門冬湯

下

一方地汁為丸

黃連木通丸

出儒門事親書

治心經蓄熱夏至則甚

黃連

二兩

木通

一兩半

右為末生薑汁糊為丸每服三十九食後燈心湯下

日三服

五石湯

出千金方

治胃熱熱病後不除煩悶口中乾渴

寒水石

消石

赤石脂

龍骨

桔萐根

牡礪

甘草

黃芩

各五分

知母

三分

桂心

三分

石膏

三分

大黃

二分

右咬咀以水七升煮取三升分四服日三夜一

承氣湯

出千金方

治氣結胸中熱在胃管飲食嘔逆渴

前胡 枳實 桂心 大黃 寒水石 知母

甘草

各一兩

硝石

枯薑根

石膏

各二兩

右咬咀以水一斗煮取三升分三服

甘露飲

出和劑方

治男子婦人小兒胃中客熱牙宣口氣齜

斷腫爛時出膿目瞼垂重常欲合閉合即飢煩不欲飲食及目赤腫痛不任涼藥口舌生瘡咽喉腫痛瘡

疹已發未發皆可服之療脾胃受濕癢熱在裏或醉飽房勞濕熱相搏致生疸病身面皆黃肢體微腫胸滿氣短大便不調小便黃澁或時身熱並皆治之

枇杷葉

製去毛

乾熟地黃

土去

天門冬

焙去心

枳殼

去穢炒

山茵陳

根去

生乾地黃

麥門冬

焙去心

石斛

去蘆

甘草

炙

黃芩

右等分為末每服二錢水一盞煎七分去滓溫服食後臨卧小兒一服分兩服仍量歲數加減與之加乾

葛柴胡尤佳一方有犀角無麥門冬

竹茹湯

出指南方

治胃熱而嘔吐欲知胃熱手足心皆熱者

是

半夏

三分用薑汁半盞漿水一升煮去半切焙

乾薑

三兩

甘草

三分生

右劉散每三錢青竹茹一彈子許薑棗煎溫服或加

前胡

龍腦雞蘇丸

出和劑方

除煩解勞消穀下氣散胸中鬱熱主

肺熱咳嗽治鼻衄吐血崩下血血淋熱淋勞淋氣淋

止消渴除驚悸涼上膈解酒毒又治胃熱口臭肺熱

腥脾疸口乾膽口若常服聰耳明目開心益智

柴胡

要真銀州者二兩剉同木通以沸湯大半升浸一二宿絞汁後入膏麥門冬湯浸

去心焙

黃耆

去蘆頭一兩

阿膠

炒微燥二兩

生乾地黃

末六兩後

入蒲黃

微炒

雞蘇

淨葉一斤即龍腦薄荷也

甘草

炙一兩半

人參

去蘆

頭二兩半

木通

剉二兩同柴胡浸

右除別研藥後入外並搗羅為末將好蜜二斤先煉一二沸然後下生薑地黃末不住手攪待攪勻時再

下木通柴胡汁慢慢熬成膏勿令焦然後將其餘藥末同和為丸如豌豆大每服二十九嚼破熱水下不嚼亦得虛勞煩熱消渴驚悸煎人參湯下咳嗽唾血鼻衄吐血將麥門冬湯浸去心煎湯下並食後臨臥服之惟血崩下血諸淋疾皆空心食前服治淋用車前子湯下一方虛勞煩熱梔子湯下肺熱黃芩湯下脾胃熱赤芍藥生甘草湯下肝熱防風湯下腎熱黃柏湯下痰嗽生薑湯下莖中痛蒲黃滑石末一錢調

下氣淋橘皮湯下室女虛勞寒熱潮作煎柴胡人參湯下一方有黃連

藕汁膏

出楊氏家藏方

涼血解飢除五心煩熱

藕汁

三盞

生地黃汁

二盞

生薄荷汁

一盞

生薑汁

半盞

右銀石器內慢火熬成膏每服半匙濃煎當歸湯下

不拘時候

澤瀉湯

出指南方

治身熱汗出煩滿煩滿不得汗出解此由

太陽之經先受風邪與熱相搏腎氣上從風與熱則

為腎氣厥則煩滿謂之風厥宜先以針瀉足太陽補太陰

澤瀉

兩半

石膏

赤茯苓

兩各一

白朮

防風

兩各二

右為末每服五錢水二盞煎至一盞去滓服

除渴飲子治心經客熱小便不通燥煩渴

甘草

炙

陳小麥

麥門冬

去心

赤茯苓

去皮

乾葛

燈心

木通

人參

各等分

右㕮咀每服五錢水一盞半入竹葉五片煎至一盞

去滓溫服如發渴細細呷之食後

五味湯治四肢發熱

柴胡

去苗
四兩

黃芩

赤茯苓

五味子

各一兩
半半夏一兩

一分湯
洗七遍

右為散每服五錢水二盞生薑三片棗一箇煎一盞

去滓溫服

金花散治心肺積熱咽喉不利口舌生瘡心胸煩悶痰

涎併多

菽豆粉

四兩

雄黃

三分

甘草末

七錢

朴硝

五錢

甜硝

五錢

白豆蔻

半兩

生腦子

半錢

麝香

半錢

右為末旋滴生蜜少許研勻入坩合內每服半錢薄荷水下小兒驚熱宜服之

水解丸治一切熱疾頭疼心燥

肉桂

一兩半
去麋皮

麻黃

四兩
去根節

芍藥

二兩

黃芩

甘草

各一

兩
大黃

二兩
半煨

右為散每服二錢以井花水調下益覆出汗如未汗

更一服重者不過三服

三黃丸治三焦積熱頭目昏痛肩背拘急肢節煩痛熱
上衝口舌唇焦咽喉腫痛痰涎壅滯眼赤睛疼及大
便秘澀或下鮮血

大黃

酒蒸

黃連

去鬚

黃芩

各等分

右為末煉蜜丸如梧桐子大每服五十九不拘時熱
水下臟腑壅實可加丸數以利為度一名三黃湯煎
服

丁香丸治積熱傷寒

丁香

三粒

巴豆

兩粒去殼用管子葉包搥碎去油入鉢內研爛

縮砂

四顆去殼

烏梅

一箇切片去核上无焙乾

右除巴豆外並為細末仍入巴豆研勻却用百草霜同和麵糊為丸如菉豆大煎米飲下積塊不拘大小均有其效

丹參赤膏治少小心腹熱除熱方

丹參

雷丸

芒硝

戎鹽

大黃

各一兩

右咬咀以苦酒半升浸四種一宿以煉成猪肪一斤煎三上三下去滓乃內芒硝膏成以摩心下冬夏可用一方但用丹參雷九亦佳

地黃丸治心熱大過三焦不順夜卧不寐退熱安身有虛熱者宜服此藥

生地黃

兩人參

白芍藥

當歸

各半

甘草

一分

右為細末煉蜜和丸如彈子大臨卧濃煎淡竹葉湯嚼下一丸常服養榮衛用人參湯下

黃耆湯治大熱有瘡宜服此

川芎

地黃

生乾者

黃耆

芍藥

赤者

防風

各半兩

羌活

甘草

各一分

右為細末每服二錢葱湯調下荊芥湯亦可

除熱飲子治心驚客熱小便不通口煩燥渴

甘草

陳小麥

麥門冬

赤茯苓

赤芍藥

燈草

人參

等分

右搗為餅子每服五錢水一盞半苦竹葉數片煎至

八分去滓溫服如發渴細細呷之食後

解毒雄黃丸取積下熱

雄黃

研飛

川鬱金

各一分

巴豆

十四箇去油

右為末醋煮麵糊丸如麻子大每服五丸加至七丸
熱茶清下裏實用此喉閉以熱茶清調下

犀角黃連散治涼血和經下食積男子婦人上壅餘熱
下部虛寒或遍身生瘡久不愈者

犀角

三錢

常歸

二兩

大黃

二兩

芒硝

二兩

黑牽牛

微炒生

四兩

右為細末每服七錢蜜水食前調服

金真九治五臟積熱洗滌腸垢潤利燥澁風毒攻疰手足浮腫或頑痺不仁痰涎不利涕出稠粘胸膈痞塞臍腹脹滿飲食減少困倦無力凡所內傷並宜服之

黑牽牛

八兩擇淨慢火輕炒四兩生用四兩同取頭末四兩

大黃

三兩米泔浸三日逐

日換泔取出切焙乾為細末

右以皂莢二兩輕炒去皮子水一大碗浸一宿入蘿蔔一兩切作片子同皂莢一處熬至半碗去滓再熬

至兩盞搜和上伴藥末乾濕得所丸如桐子大每服
二三十丸至五十九丸粥飲下不拘時候金興定間宣
宗賜名保安丸

戊申春節使趙伊年幾七旬病身體熱麻股膝無力飲
食有汗妄喜笑善飢痰涎不利舌強難言聲啞不鳴求
治於先師診得左寸脈洪大而有力是邪熱客於經絡
之中也兩腎外有數癥遂問其故對以燃香所致先師
曰君之病皆由此也夫人之十二經灌溉通身週而復始

蓋手之三陽從手表上行於頭加以火邪陽併於陽

勢甚熾焉故邪熱妄行流散於周身而為熱麻

黃帝鍼經四卷

口問第一胃熱則蠱動蠱動則廉泉開故涎下熱傷元氣而

為沉重無力飲食入胃慄悍之氣不修常度故多汗心

火盛則妄喜笑脾胃熱則消穀善飢肺金衰則聲啞下

鳴仲景云微數之脈慎不可灸恐致傷筋血難復也君

奉養以膏粱之味無故加以火艾之毒熱傷經絡為此

病明矣內經云熱淫所勝治以苦寒佐以苦甘以甘瀉

之以酸收之當以黃蘗知母之苦寒為君以瀉邪火壯
筋骨乃腎欲堅急食苦以堅之黃芪生甘草之甘寒瀉
熱實表五味子酸止汗補肺氣之不足以為臣炙甘草
當歸之草辛和血潤燥升麻柴胡之苦平行少陽明二
經自地升天以苦發之者也以為佐咬咀同煎取清汁
服之更鍼刺四肢以瀉諸陽之本使十二經相接而瀉
火邪不旬日良愈遂名其方

清神補氣湯

蒼朮

錢四

藁本

錢二

升麻

錢六

柴胡

錢三

五味子

錢一

半

黃蘗

錢二

酒知母

錢二

陳皮

錢一

半

黃芪

錢三

生甘草

錢二

當歸

錢二

右剉如麻豆每服五錢水五盞煎至一盞去滓空心候大小便利覺飢時服之待少時以美饌壓之

春雪膏治涼心退悶熱極壅盛

寒水石

石膏

滑石

代赭石

朴硝

各五錢

甘草

錢三

右為末每服二錢井水調下

硃砂膏治心臟驚熱至甚不省人事

硃砂

礪砂

硃硝

各二錢半

金銀箔

各五片

寒水石

五錢

腦子

字一粉草

三錢石膏

五錢

右為末每服二錢麥門冬二十粒去心煎湯調下

酒蒸黃連丸治膈熱解酒毒厚腸清脾胃火

黃連

半斤

淨用酒二升浸以瓦器

置甑上累蒸至爛

取出曬乾

右為末滴水丸如桐子大每服五十九食前溫水吞

下

治熱氣塞咽喉以紫菜煮汁飲之

治傷熱以麻黃一把去節綿裹以好酒五升煮取半升
去滓頓服表發汗出則愈冬月用酒春宜水煮之良
治熱攻心煩燥恍惚以牛蒡根搗汁一升食後分為三
服良

治虛熱益氣和中止煩滿以白粱米炊飯食之

解熱以地榆葉作飲代茶

治大熱心悶者用槐子燒末酒服方寸匕

治中大熱狂失心燥悶以棟實作湯浴之

治熱腹痛用粟米粉水煮服之

去熱氣以天麻子作飲服之

療熱壅涼膈上嘔積滯

劉禹錫傳信方著
石旻山人甘露飲

蜀朴硝成末每一大斤用蜜冬用十三兩春夏秋用

十二兩先搗篩朴硝成末後以白蜜和令勻便入新

青竹筒隨小大取一節著藥得二斤已上即不得令

滿却入炊甑中令有藥處在飯內其虛處出其上不

妨甑竽即得候飯熟取出承熱綿濾入一甕鉢中以竹筴攪勿停手令至凝即藥成收入盒中如熱月即於冷水中浸鉢然後攪每食後或欲卧時含一匙半匙漸漸咽之如要通轉亦得

除客熱上心煩用梨食之良然不多食

治大熱發頭熱者令腦縫裂開

取黑虱三五百搗碎傅之

療一切熱毒氣

用大木皮與苦桃皮櫻桃皮三味各去麤皮淨洗焙乾等分搗羅酒調服一錢匕服食無忌

治一切熱毒暑月用之

出本草方

用虎杖和甘草煎色如琥珀可愛堪看嘗之甘美瓶置井中令冷澈如水白瓷器及銀器中盛以茶啜之治肝毒熱用決明子作菜食之

痼冷論

夫苟得其養無物不長苟失其養無物不消人之處世

飲食為上湯藥次之惟其口腹不充嗜慾無節所以臟
中停寒而為之沈痼也男子精流女子帶下骨寒腦冷
氣血之衰嘔吐惡心久泄暴下皆證耳療治之法雖貴
乎溫補不貴乎大剛惟於滋血養氣中佐以薑桂雄附
為愈抑古人所謂精不足者補之以耒老此尤當加意
焉若夫熱劑剛燥極欲陽氣頓回吾恐腎水易涸心火
獨炎識者未保其性

方

沈香華澄茄散

出和劑方

治下經不足內挾積冷臍腹弦急

痛引腰背面色痿黃手足厥冷脇肋虛滿精神困倦

臟腑自利小便滑數大能補護四十以上者宜服之

附子

炮去臍四兩

沈香

華澄茄

葫蘆巴

微炒肉桂去

皮

茴香

舶上者微炒

補骨脂

微炒

巴戟

去心

木香

川練

炮去核各一兩

川烏

炮去臍半兩

桃仁

去皮尖麩炒二兩

右同為細末每服二錢水一盞入鹽末少許煎八分

去滓稍熱服之如育腸小腸一切氣痛服之有効空

心食前服

艾硫丸

出十便良方

去邪養正補真益脾治髓冷血虛腰疼

脚弱及傷冷心腹疼痛霍亂吐痢自汗氣急下元
虛小便頻數婦人衝任不足月水愆期腹脇刺痛崩
漏帶下全不思飲食兼治傷寒陰證手足厥冷脈微
自汗

熟艾

十兩用糯米一升煎成粥投于乾薑十兩再用手拌令勻於日中曝乾

生硫黃

附子

各二兩

右為細末麵糊丸如桐子大每服三十九或五十九
溫米飲下食前

附子理中丸

出和劑方

治脾胃寒冷心腹絞痛嘔吐泄利霍

亂轉筋體冷微手足厥寒心下滿腹中雷鳴嘔吐噦
不止飲食不進及一切沈寒痼冷並皆治之

附子

炮去皮臍

人參

去蘆

乾薑

炮

甘草

炙

白朮

各三兩

右為細末煉蜜和丸每兩服一十九以水一盞化破
煎至七分稍熱服之空心食前服一方小兒分作二

三服大小以意加減

紫沈煎丸

出醫學大成

治虛寒積冷伏滯陰氣心腹膨脹兩

脇疼痛

巴豆霜

一分

入銀器內煑之

硫黃

滴水極細

研青皮

胡椒

硃砂

各一兩

酒半升

煑去石入巴豆內

酒

內熬如稀糊入沈香前項藥作一處

酒

化盡入七酒

酒

熬成膏

丁香

阿魏

酒半升

沒藥

搗碎

酒半升

化盡入七酒

酒

酒

檳榔

官桂

不見火

乾薑

三

良薑

一兩

水

煮六

沸日乾

木香

不見火

硃砂

半兩

沈香

一兩

使煉蜜

研

右為末次入硫黃硃砂二味研勻入前膏於臼杵三千下丸如梧桐子大每服三十九陳皮湯下如卒暴心痛醋嚼下立見効驗

北亭丸

出和劑方

治脾元氣弱久積寒冷心腹脇脹肢滿刺

痛面色青黃肌體瘦弱怠惰嗜卧食少多傷噫氣吞酸噦逆惡心腹中虛鳴大便泄利胸膈痞塞食飲不下嘔噦霍亂體冷轉筋及五膈五噎痞癥聚翻胃吐食久痛久利並皆治之

縮砂仁

胡椒

肉桂

去麤皮

厚朴

去麤皮薑汁炙

附子

炮

皮 剉川芎

當歸

去蘆剉碎

陳皮

去白 乾薑

炮

甘草

炙各四兩

青鹽

別研二兩

白朮

別搗末入三兩

北亭

即硝砂也醋淘炒研二兩用

五味子

抹一兩半

阿魏

醋化去砂石一兩半

右為末用銀石鍋內入好酒醋五升白沙蜜一十兩

先以白亭阿魏青鹽三味并好頭麵一升同煎稠粘

便下藥味半斤以來更煎如稀麵漸漸入藥末煎得

所離火傾出更以乾藥末和搜成劑更搗一千杵丸

如桐子大每服十五丸微嚼破用生薑鹽湯下溫酒亦得空心服之忌羊血豉汁

黑錫丹

出和劑方

治脾元久冷上實下虛胸中痰飲或上攻

頭目微痛睛昏眩及奔豚氣上衝胸腹連兩脇膨脹刺痛不可忍氣欲絕者及陰陽氣上下不升降飲食不進面黃羸瘦肢體浮腫五種水氣腳氣上攻及牙根腫痛滿口生瘡齒欲落者兼治脾寒心痛冷汗不止或卒暴中風痰潮上膈言語難澁神昏氣亂喉中

痰響狀似癰瘰曾用風藥弔吐不出者宜用此藥百粒煎薑棗湯灌之壓下風涎即時甦省風涎自利或觸冒寒邪霍亂吐瀉手足逆冷唇口青黑及男子陽事痿怯脚膝酸軟行步乏力臍腹虛鳴大便久滑及婦人血海久冷白帶自下歲久無子血氣攻注頭面四肢並宜服之兼療膈胃煩壅痰飲虛喘百藥不愈者常服尅化飲食養精神生陽遂陰消磨冷滯除濕破癖不動真氣使五臟安寧六腑調暢百病不侵歌

曰陰損陽衰實可傷縱調榮衛亦難將氣羸血運痰
生者試聽桑君為發揚又歌曰夫妻合會功成肆鈴
子沈香一兩賒木附葫蘆陽起破桂茴香肉豆等無差
梧桐酒糊精修煉反老還童事可嘉

沈香

附子

炮去皮劑

葫蘆巴

酒浸炒

陽起石

研細水飛

肉桂

去皮只須半兩

茴香

舶上者炒

破故紙

酒浸炒

肉苳蔻

麩裹煨

金鈴

子

蒸去皮核

木香

各一兩

黑錫

去滓秤

硫黃

透明者

結炒子各二兩

右用黑盞或新鐵銚內如常法結黑錫硫黃砂子地

上出火毒研令極細入藥並杵羅為末都一處和勻
入研自朝至暮以黑光色為度酒糊丸如梧桐子大
陰乾入布袋內擦令光瑩每服三四十粒空心薑鹽
湯或棗湯下婦人艾醋湯下

附子茴香散

出醫方大成

治氣虛冷心腹絞痛

肉豆蔻

煨

茴香

炒

木香

白朮

炒

人參

白茯苓

乾薑

炮各一兩

附子

大者一枝炮去皮剉

丁香

甘草

炙各半兩

右咬咀每服三錢水一盞鹽少許煎七分空心服

走馬茴香丸

出御藥院方

治丈夫積年傷憊久冷及治瘕氣

備急

黑附子

去皮劑

桂

葫蘆巴

馬蘭花

炒

青橘皮

去白

舶上茴香

川楝子

炒

乾薑

炮

巴戟

去心

破故紙

各半

兩

右為末用酒打麵糊和劑為丸如菽豆大每服空心

鹽湯下二十九

安息香丸治虛冷補元陽益氣血

安息香

天雄

炮製去皮劑

硫黃

研

陽起石

研

附子

炮製

去皮劑

鍾乳

研

白礬

熬令汁枯研

木香

蛇床子

炒

白龍骨

研各一兩

右為末更合研三日用黃狗外腎去筋膜細研以法酒熬成膏和劑丸梧桐子大每服二十九溫酒下

金鎖正元丹

出和劑方

治真氣不足元臟虛弱四肢倦怠百

節酸疼頭昏眩痛目暗耳鳴面色黃黑鬚髮脫落頭

皮腫痒精神昏困手足多冷心胸痞悶繞臍切痛膝脛酸疼不能久立或脚弱隱痛步履艱難腰背拘急不得俯仰腹痛氣刺兩脇虛脹水穀不消大便不調嘔逆惡心飲食減少恍惚多忘氣促喘急夜多異夢心忪盜汗小便滑數遺精白濁一切元陽虛冷之病並能治之

五味子

一方用五倍子

茯苓

去皮各八兩

紫色戟

去心十兩

補骨

脂

浸炒十兩

肉蓯蓉

淨洗焙乾

葫蘆巴

炒各一斤

龍骨

研別

硃砂

研別

各三
兩

右為細末入研藥令勻酒糊為丸如梧桐子大每服
十五丸至二十九空心食前溫酒吞下或鹽湯亦得
青硫九治久冷峻補元陽

硫黃

酒一斤甘草
水研三日

附子

炮製去
皮臍

山茱萸

各四
兩

白豆

麝

去
皮

肉豆

去
殼

木香

各二
兩

牛膝

酒浸切
焙三兩

艾葉

焙乾
一兩

右為末拌勻蒸木瓜肉和搗丸桐子大每服十九至
十五丸空心鹽湯下如腰脚疼痛用木瓜湯下

益神丸補元陽治久冷

硫黃

酒甘草水研一日

木香

肉豆蔻

去殼

檳榔

剉

桂

消去麋皮

附子

炮製去皮剉

青橘皮

湯浸去白焙

乾薑

炮各一兩

右為末和勻用糯米粥丸如桐子大每服十九至十

五丸空心酒下

烏金丸

一名黑錫丸一名黑錫丹

治脾元久冷上實下虛胸中痰飲

或上攻頭目徹痛目常昏眩及賁豚氣貫衝胸腹連

兩脇膨脹痛不可忍氣欲將絕陰陽氣上下不能升

降飲食不進面黃羸瘦腹滿膨脹肢體浮腫泄瀉嘔

逆自汗心忪小便頻數一切虛寒皆治

出驗効濟世方

黑錫

二兩

硫黃

一兩

木香

一分

附子

一兩去皮剉

川連肉

半兩

破故紙

半兩

肉豆蔻

四箇

去殼

右先將黑錫於銀石器內候鎔飛煉數次澄下簷滓

令盡次剉硫黃細末入在錫內攪和如膏以紙攤在

地上出火毒以碗蓋一宿硫黃須先研令極細黑錫

既溶連銚取起離火以所研硫黃傾在內急以火箸

等物攪勻之以碗覆之即硫黃不至飛去既傾出錫
卻以破故紙於銚內惹錫並硫黃右為細末酒糊丸
如桐子大每服三十九或四十粒空心食鹽湯下良
久以食物壓之尤治元陽虛損精神耗弱等疾

震靈丹

出和劑方

此丹不犯金石飛走有性之藥不濕不燥

奪造化沖和之功大治男子真元衰憊五勞七傷臍
腹冷痛肢體酸疼上盛下虛頭目昏眩心神恍惚血
氣衰微及中風癱緩手足不遂筋骨拘倦腰膝沈重

容枯肌瘦目暗耳聾口苦舌乾飲食無味心腎不足
精滑夢遺膀胱疝墜小腸淋瀝夜多盜汗久瀉久痢
嘔吐可食八風五痺一切沈寒痼冷服之如神及治
婦人血氣不足崩漏虛損帶下久冷胎臟無子服之
無不愈者

方見諸虛門
補益諸疾類

保元丹治老弱諸沈寒痼冷小便滑數大便時泄腰腿
臍腹疼痛困倦瘦虛食減

附子

炮去皮臍

肉豆蔻

白朮

山藥

乾薑

炮

赤石脂

各一兩

肉桂

右為細末水糊為丸如桐子大每服三二十九空心

酒下

痼冷丸

出千金方

治心腹痼冷

白朮

半兩

神麴

一兩炒令黃色

川薑

炮

桂心

各二錢

川椒

一錢炒香

吳茱萸

洗三錢

右為細末蜜水糊為丸如桐子大食前米飲下五十
九或百九一方為散米飲服方寸七

崔氏烏頭丸

出和劑方

治風冷邪氣入乘心絡或腑臟暴感

風寒上乘於心令人卒然心痛或引背脅乍甚經久

不瘥並宜服之

附子

炮去皮臍

川烏

炮去皮臍

赤石脂

各二兩

蜀椒

去子及閉口者炒出

汗

肉桂

去麤皮

乾薑

炮去二兩

右細末蜜和丸如桐子大每服三丸溫酒下覺至痛處即止若不止加至五六丸以知為度若朝早服無所覺至午時再服三九夜又服三九凡患心痛每旦

服三九稍加至十九盡一劑遂終身不發忌豬肉生

葱

來復丹

出和
劑方

此藥配類二氣均調陰陽奪天地沖和之

氣乃水火既濟之方可冷可熱可緩可急善治榮衛

不交養心腎不升降上實下虛氣閉痰厥心腹冷痛

臟腑虛滑不問男女老幼危急之證但有胃氣無不

獲安補損扶虛救陰助陽

方見諸虛門
補壯元陽類

溫脾湯

出本
事方

治痼冷在腸胃間連年腹痛泄瀉休作無

時服諸熱藥不効宜先取去然後調治易瘥不可畏
虛以養病也

厚朴 乾薑 甘草 桂心 附子

各二兩
用生

大黃

生四錢碎切湯一盞漬半
日搗出滓煎湯時和滓下

右細剉水二升半煎八合後下大黃汁再煎六合去
滓澄去脚俟至晚分作三服溫溫自夜至曉令盡不
剩食前更以乾薑丸佐之

乾薑丸

出本
事方

乾薑

巴豆

去心炒黃研

大黃

人參

各一兩

右除巴豆餘為末同研煉蜜丸如桐子大服前湯時用湯吞下一丸米飲亦得有人因憂愁中傷食結積在腸胃故發吐痢自後至暑月稍傷則發暴下數日不已玉函云下痢至隔年月日不期而發者此為有積宜下之止用溫脾湯次服乾薑丸後服白朮散

白朮散

出本方

白朮

木香

附子

人參

各等分

右細末每服二錢水一盞生薑三片棗一枚煎六分去滓服

走馬寸金丸

出傳信通用方

治男子下元虛冷真氣怯弱肝腎

客寒小腸氣痛牽引脇臍疔痛不可忍者手足厥冷多出冷汗不能屈伸面色青黃時發時止立有神効

玄胡索

川當歸

剉

舶上茴香

川蓮子

各一兩

南木香

半兩不炒

乾金蝎

三箇已上並炒令紫色

右並為細末米醋糊丸桐子大每服二三十丸空心
鹽酒下患久服一月可去根

二氣丹

出和劑方

助陽消陰正氣溫中治內虛裏寒冷氣攻

擊心脇臍腹脹滿刺痛泄痢無度嘔吐不止自汗時
出小便不禁陽氣漸微手足厥冷及傷寒陰證霍亂
轉筋久下冷痢少氣羸困一切虛寒痼冷並宜服之

硫黃

細研

肉桂

去皮為末各一兩

乾薑

炮為末

硃砂

研為末各二錢

附子

一箇大者炮去皮臍為末半兩

右並勻研細用麵糊為丸如梧桐子大每服三十九煎艾鹽湯下放冷空心食前服

浴體法治下元虛冷腰腹冷痛崩帶一切冷病

椒目 川烏 細辛 乾薑 桂

已上各等分

右為麤末水煮澡浴下部為妙

溫胃丸治寒痼冷嘔噦吐逆心胸噎痞減食

恒東馬公正方

京三稜

焙切三分

附子

一箇炮

乾薑

炮

青皮

桂

各半兩

右為細末醋糊為丸如豆大每服二三十丸米飲下

金銷正陽丹

出本
事方

砒

一兩
火煨

巴豆

十粒
去油

烏頭

一兩
炮去皮

木鼈

六箇
去殼

雄黃

半兩

右併為末用黃臘瀝青好者各一兩半黃丹一兩硃砂一兩半細研溶熱入前項藥末乘熱丸如雞頭大每服一丸常服空心鹽湯下小腸氣痛炒茴香酒冷下木通煎湯下滑腸脫肛乾薑艾同煎酒溫下心氣痛燒鐵淬醋下二九氣塊嚼乾柿子下一九婦人紅脉不行及產後諸疾當歸酒下眼多冷淚鹽椒煎湯

下

勾奴露宿丸

出千金方

治寒冷積聚

礬石

桂心

附子

乾薑

各二兩

右為末蜜丸如桐子大每服十九日三後稍加之

大已寒丸

出濟生拔萃方

治久寒積冷臟腑虛弱心腹疔痛脇

肋脹滿泄瀉腸鳴自利汗米穀不化陽氣暴衰陰氣

獨勝手足厥冷傷寒陰勝神昏脈短四肢怠惰並服

葦撥

肉桂

各四斤

乾薑

高良薑

各六斤

右細末水煮麵糊丸如桐子大每服二十粒湯飲下
食前此藥燥甚能治臟腑虛寒滑而下痢及泄瀉腸
鳴水穀不化自非看得清切灼然臟寒泄瀉不可輕
服多有泄瀉溏瀉之患用溫熱藥不止者宜用緊澁
之劑可於斷下湯方中求之

玉華白丹

出和劑方

清上實下助養根元扶衰救危補益臟

腑治五勞七傷夜多盜汗肺萎虛損久嗽上喘霍亂
轉筋六脈沈伏唇口青黑腹脇刺痛大腸不固小便

滑數夢中遺泄肌肉瘦悴目暗耳鳴胃虛食減久瘥

久痢積寒痼冷諸藥不愈者

方見諸虛門
補壯元陽類

王抱肚

選出百一方

治停寒痼冷心腹刺痛常繫於臍腹間

甚妙一方用針砂如法炒訖止入硃砂半兩並不用

餘藥

針砂

四兩鐵銚內火炒用木或竹捧
兒不住手攪烟出盡為度放冷

白礬

半兩硃砂

五分粉霜

右白礬等三味同研為細末與針砂拌和只作一服

以水數點洒用匙拌攤令勻厚皮紙為貼闊二寸以上長四五寸貼之外以帛子包繫疼處或常繫臍下如覺太熱即以衣襯之若藥力過再洒水如前拌用其熱如初可用四五次藥力過退即將針砂再炒過別入餘藥仍可用一方用雄黃半錢無粉霜

大建中湯

出千金方

治心脇中大寒大痛嘔不能飲食飲食

下咽自知偏從一面下流有聲泱泱然若腹中寒氣上衝皮起出見有頭足上下而痛其頭不可觸近

蜀椒

二合乾薑

四人參

二飴糖

一升

右咬咀以水四升煮取二升去滓內糖微火煮令得一升半分三服服湯如炊三升米久可飲粥二升許更服當一日食糜溫服之

養正丹

出和劑方

卻邪輔正助陽接真治元氣虛虧陰邪交

蕩正氣華常上盛下虛氣不升降呼吸不足頭旋氣短心神怯弱夢寐驚悸遍體盜汗腹痛腰疼或虛煩狂言口乾上喘翻胃吐食霍亂轉筋咳逆不定又治

中風涎潮不省人事陽氣欲脫四肢厥冷如傷寒陰
盛自汗唇青脈沈最宜服之及婦人產後血氣身熱
月候不均帶下腹痛悉能治療常服濟心火強腎水

進飲食

方見諸虛門
補壯元陽類

玉壺丸治元臟久冷益真氣進飲食壯筋骨駐顏

烏頭

大者炮裂去
皮臍十五枚

硃砂

水飛研

陽起石

煨研各
一兩

硫黃

半兩
研

右為末酒煮麵糊丸如梧桐子大每服十五丸空心

鹽湯下

婦人醋湯下

露宿丸

出金方

治遇冷氣心下結繫嘔逆寒食不消并主

傷寒晨夜觸寒冷惡氣

附子

烏頭

桂心

礬石

各四兩

右為末蜜丸如豆大以酒服三九日三加至十九藥耐寒冷忌熱食近火宜冷食飲

治痼冷風眩寒中手足冷胃口寒臍下冷百病五勞七傷第一令人能食二強盛三益氣四有子神驗方

出千金

金方

大豆

二升半

烏頭

一百五十枚

生地黃

一斤十五取汁

右以除日咬咀烏頭以酒一斗半和地黃汁浸烏頭至破日絞去滓納豆藥汁中至除日出曝之有汁更浸曝之至汁盡藥成初服從二豆起可至二十豆酒服之有病空腹服無病食後服四時合並得二月二月為上時藥令人能食益氣強盛有子髮白更黑齒落重生病熱人不可服

金匱要略卷一百二十
茱萸消石湯

出千金方

治久寒不欲飲食數十年癖飲

吳茱萸

合八

硝石一升生薑一斤

右以酒一斗水解令二斗煮藥取四升服二升病即
下去勿更服也初下如泔後如污泥若如沫滓吐者
更可服之養如乳婦法

溫胃散治痼冷溫脾止痛噦和氣

橘皮

二兩

桂一兩乾薑

炮半兩

右為細末每服一錢薑湯下空心服

半夏湯

出千金方

治胸滿有氣心腹中冷

半夏

一升桂心

四兩

生薑

八兩

右㕮咀以水七升煮取二升一服七合日三服

生薑湯

出千金方

溫中下氣

生薑

一斤

甘草

三兩

桂心

四兩

右㕮咀以水六升煮取一升半一服五合日三服

三聖丸

一名三仙丸

補男子下元虛弱冷氣一烏二朮三茛

香久服令人壽命長和血駐顏精神爽養神利氣助

容光丹田補暖神緣住耳目聰明鬢不蒼每日常服

十九數空心溫酒共鹽湯

方見諸虛門補
並輕身延年類

治積年冷病方

出千金方

蜀椒

二兩香豉一升

右擣椒為末和豉更擣三千杵丸如彈子大食前酒

服日再

半硫丸

出和劑方

除積冷暖元臟溫脾胃進飲食治心腹一

切瘕癖冷氣及年高風秘或泄瀉等並皆治之

半夏

湯浸七次
焙乾為末

硫黃

明淨好者研令極細
用柳木槌子殺過

右等分以生薑自然汁同熬入乾蒸餅末攪和勻入
臼內杵數百下丸如梧桐子大每服空心溫酒或生
薑湯下十五丸至二十九婦人醋湯下或用葱白一
條生薑三片煎入阿膠二片溶開食前空心送下

治諸冷極醫所不治

出千金方

用馬蘭子九升淨治去土空腹中服一合日三飲及
酒下之服訖須臾以食壓之取瘥乃止

金液丹

出和劑方

固真氣暖丹田堅筋骨壯陽道除久寒痼

冷補勞傷虛損治男子腰腎久冷心腹積聚脇下冷

癖腹中諸蟲失精遺溺形羸力劣脚膝疼弱冷風頑

痺上氣衄咳逆寒熱霍亂轉筋虛滑下痢又治痔漏

濕匿生瘡下血不止及婦人血結寒熱陰蝕疽痔

見方

諸虛門補壯元陽類

洞陽丹

出濟生方

治陽虛陰盛手足厥冷暴吐大下脈細羸

瘦傷寒陰證治之

附子

炮去皮
臍

鍾乳粉

各二兩

天雄

炮去皮
三兩

川烏

炮去皮
四兩

陽起石

火煨
一兩

硃砂

一兩
研細別

右為細末酒煮神麴糊為丸如梧桐子大每服五十丸空心溫酒鹽湯任下

赤丸

出千金方

治氣厥冷

茯苓

桂心

各四兩

細辛

一兩

烏頭

附子

各二兩

射罔

如大棗
一兩

右為末內真朱為色蜜丸如麻子大空腹酒服一九

日再夜一不知加至二九以知為度一方用半夏四

兩不用桂

又方

出千金方

治胸滿氣噎下部冷腹疔痛

半夏

八兩製

生薑

六兩

橘皮

四兩去白

桂

二兩

吳茱萸

五十粒湯炮洗

一
次

右咬咀用水十升煮取四升五服冷又再溫空心食

前服

人參湯

出本事方

治丈夫婦人小兒唇青面黃肚裏冷痛牽

引小腹以至翻胃換食嘔吐口苦舌乾少寤多寐手
不製遠年近日一切脾胃冷病悉能除愈

人參

一兩

茯苓

一兩

牡礪

一兩

煨

粉草

一兩

黃耆

一兩

鹽炙

附子

七錢

以上重者炮

去皮臍

一半箇

右為細末每服三大錢鹽湯點服忌生冷油麵粘膩
等物昔一婦人年四十餘歲患十年翻胃面目黃黑
歷三十餘人醫不取效脾腧諸穴燒灸交通其疾愈
甚服此藥不五七日間頓然無事堅忍服至一月遂

去其根自是服之不三五服些少脾疾立便痊平能
全胃氣生肌肉進飲食順榮衛常服大有補益屢試
屢驗幸毋忽焉

又方

出本
事方

浮椒

二兩
茴香一兩
粉草一兩

右為末每服二錢熱湯點服忌如前

大已寒丸

出御藥
院方

治中焦氣弱脾胃受寒飲食不美氣

不調和退陰助陽除臟腑積冷心腹疼痛大便滑泄

腹中雷鳴霍亂吐瀉手足厥逆便利無度及療傷寒
陰濕形氣沈困自汗

附子

炮去皮臍

川乾薑

炮製

高良薑

炒

吳茱萸

炒

桂

去皮

川烏頭

炮裂去皮臍
如豆大再炒令

右為細末醋煮麵糊丸梧桐子大每服五七十九熱
米湯下空心食前日進一服無忌

接真湯

出御藥院方

治陰病手足厥冷臍腹疼痛真氣不足

衰憊欲絕

沈香

丁香

各二錢

麝香

一錢

附子

炮去皮
臍四兩

右為麤末水二盞生薑七片棗三枚去核煎至一盞

去滓溫作一服

硫黃丸

至熱

治人之大冷夏月溫飲食不解衣者

硫黃

礬石

乾薑

茱萸

桂

烏頭

附子

椒人

人參

細辛

皂角

當歸

右等分隨人多少搗蜜丸如梧桐子大一服十丸至二十九日三服若冷痢者加赤石脂龍骨即便愈也

橘皮益智湯治痢冷在內陰氣交攻心痛如刺

青橘皮

湯浸去白焙

益智

去皮

烏頭

炮裂去皮臍

歲靈仙

去土各一

兩

右剉如麻豆每服三錢水一盞生薑三片鹽少許煎六分去滓食前溫服日三

雄硃丹

出百一選方

治宿寒痢冷飲食嘔逆久則羸弱變成

勞瘵

硃砂

雄黃

各二兩以上用沙盒一箇先以牡丹皮二兩內外薰黃入藥於內以酸醋

和鴈茶作餅蓋定盒口以赤石脂固濟合縫又用赤石脂泥裹盒子一重再用黃泥紙筋又裹一重先以草火燒令赤次以灰火五斤漸漸添至一秤候火力稍消取出掘坑一尺埋一宿去火毒取出研

入後藥

附子

炮別為末

胡椒

肉桂

赤石脂

木香

沈香

華撥

丁香

白朮

乳香

半兩同赤石脂共研細

右為末入前藥研勻以青酒二升三分熬去二分入

附子末煮糊九桐子大每服一十九空心溫酒鹽湯

任下

單澄茄丸

出王氏博濟方

治丈夫元陽虛冷氣上衝心胸滿悶

腹脇雷鳴或多攻刺嘔噦膨脹

沈香 丁香 木香 舶上茴香 烏藥

各半 兩

白芷 一兩 胡蘆巴 三分 華澄茄 一分

右件八味同為末煉蜜為丸如彈子大每服一九生

薑鹽湯嚼下

三建湯

出永類
鈴方

除痼冷扶元氣凡寒邪外攻六脈沈微

手足厥逆大小便滑數及中風涎潮不省人事傷寒

陰證並治

天雄

炮去
皮臍

附子

大川烏

並炮各
等分

右咬咀四錢水二鍾薑十五片煎八分溫服無時一

法加肉桂小麥

椒附丸

出永類
鈴方

治內挾積冷臍腹弦急痛引腰背時有

盜汗小便滑數心腹脹滿

附子

炮半
兩

檳榔

牽牛

炒

五味子

各一
兩

川椒

去子
炒出

汗半
兩

淨陳皮

乾薑

炮

石菖蒲

各一
兩

右剉碎好醋煮令乾焙令黃為末醋煮麵糊丸梧桐子

大每服三十九鹽湯酒空心下婦人血海冷當歸酒
下泄瀉飯飲下冷痢薑湯下赤痢甘草湯下

青城山葛真人秋乳丹

出衛生家寶方

治男子脾腎久弱下部

一切痼冷之疾遺泄下禁小便滑數囊外濕痒及脾
元不固飲食無味久而脾泄變為寒熱似痞而多寒
滑瀉白膿及婦人子宮久冷胎胞不固赤白帶下並
宜服之

秋石

四兩

鍾乳粉

二兩

雲母粉

二兩

牡蠣

左顧者以黃泥固一指厚

於文武火煨乾候以炭火煨通紅不寒水石半斤生研

拘多少去外黑者用粉研細四兩

為粉內信砒一兩以一沙合內盛得粉緊填信砒一兩外用紙筋黃泥固一重約半指

厚節乾以上十斤火一煨去盡砒烟取出放冷用白礬三兩內一兩飛過

右六味同研極細用圓正半夏十兩為末水熟煮成稀糊為丸每服一二粒空心鹽湯下婦人醋湯下丸如梧子大候極乾服一法用冷水滴為丸只要研極細陰乾復以乾鍋盛用瓦片子蓋頭大火一煨功力尤大半夏稀糊丸者平穩功力雖少久服見効

三陽丹

出衛生家寶方

治男子氣弱丹田冷痛臟腑泄瀉婦人

血海冷疼一切冷病並皆治之

五月五日將新瓶

一隻收大艾葉一瓶按緊不令虛用好酒煮三升淋

下瓶內以箬葉並紙扎縛了次又用泥封却逐日將

去日中晒至九月重陽日取開焙乾為細末用煮酒

打麵糊修為丸如梧桐子大每服三十丸至四十丸

空心用鹽湯吞下婦人醋湯下大有功效更不盡述

金罌煎

出衛生家寶方

治男子氣弱丹田冷痛臟腑泄瀉婦人

血海冷疾一切病並皆治之冬月採金罌子俗名雞
頭罌未十分熟者不拘多少新羅中擦去刺以竹刀
或銅刀破開刮去穰淨洗曬畧乾擣碎甕鍋中用水
煎四五十沸濾去滓熬汁候濃如水糖用雞頭肉為
細末同熬成膏每服一匙頭許空心食前用溫酒下
功效未易具述或無雞頭只以金罌煎調酒下亦得
玉海藏已寒丸

出衛生
寶鑑方

治沈寒痼冷臍腹冷痛迴陰返

陽

附子

炮一兩

乾薑

炮一兩

良薑

錢七

桂

錢三

茴香

炒一兩

茯苓

錢五

右件為細末醋打麵糊為丸如桐子大每服三十五丸溫酒送下食前

金粟黃芽丹

又名太乙紫霞丹出危氏方

此丹養火不計歲年有起

死回生之功蘊脫胎換骨之妙音鍾呂陰三真人張栢子所煉皆此丹也粒至小功甚大應諸虛百損五勞七傷八風五痺沈寒痼冷水腫蠱氣久痢久瘧一

切男女老幼困篤之疾百藥不能療者悉皆主之初服覺腹中微慢或欲吐瀉則是驅逐諸病無病則不動再服則不覺經云服丹之人能絕嗜慾斷五腥不食頭魚大蒜陳臭等物當為地仙矣若未免此服及一兩延壽二紀大率救億扶危衛生伐病無出此丹之右服時以平旦散一粒右手內搓令暖置口中可加至十粒或用棗肉丸面東叩齒密念呪曰返我常歸我鄉服之千日朝虛皇一氣七遍以井花水或人

參棗湯送下孕婦不可服

此丹無方惟有丹母不知是何藥修煉得成修煉時以大硃砂一斤抽汞置丹母於鼎內以汞安於丹母上覆以真金箔五十片於靜室養火朝東北暮西南一月後開鼎如覺丹母傷火以濃煎沈香水浴一載後丹成如穀芽樣或如花果樣用銀剪刀剪下入大蘿蔔內蒸一伏時以蘿蔔深黑為度取出用玉石杵臼研為細末以白蜜為丸如粟大依前湯引服大

有功效所惜者此丹母自北而南多為名宦巨室收藏不入醫家抽汞修煉家另有法

小鍾乳丸

出十便良方

治虛冷

鍾乳粉

七分

硫黃

三錢末

乾山藥

一錢

右為細末用棗肉和丸如桐子大每服七八丸至十丸空心米飲或酒下

養正金丹

出十便良方

治中下寒冷進飲食暖脾胃張會伯

方

硫黃

去砂
別研

大附子

乾薑

丁香

桂

厚朴

半夏

肉豆蔻

各二
兩

右為細末酒煮麵糊為丸如桐子大硃砂為衣每服

二三十丸加至七八十九空心米飲下老人服之尤

佳

蘿蔔丸

出朱氏
集驗方

治諸冷積腹脹氣痛

蘿蔔子

三兩

沈香

一錢半

草豆蔻

一錢半

白朮

半兩

青皮

五錢

右除蘿蔔子為末別研麵糊丸十九米飲下

溫內丸治痼冷在飲滯伏留陰盛陽虛穀氣衰微清濁不分腸胃虛弱寒濕相勝下利頓併飲食不入怠惰嗜卧煩悶不安常服溫益臟氣厚養腸胃

厚朴

薑汁製一斤

乾薑

炮

甘草

炙

白朮

草豆蔻

去皮

五味子

訶黎勒皮

陳橘皮

去白各半斤

右為末水煮麵糊為丸如梧桐子大每服五十九不拘時候米飲下

治入秋小腹多冷者

出本草

用古磚煮汁服之

治冷三月三日採艾作煎服

普濟方卷一百二十

欽定四庫全書

普濟方卷一百二十一 明 周王朱橚 撰

傷寒門

傷寒總論

夫人生天地之間命有遭逢時有否泰吉凶安危喜怒
愛憎存亡憂畏關心之慮日有千條謀身之道時有萬
計乃度一日是故天無一歲不寒暑人無一日不憂喜
故有天行瘟疫病者則天地變化之一氣也斯蓋造化

必然之道不得無畏故聖人雖有補天立極之德而不能廢之而能以道御之其次有賢人善於攝生調和樽節與時推移亦得保全天地有斯瘴癘還以天地所生之物以防備之命曰知方則病無所侵矣然此病也俗人謂之橫病多不解療皆云日滿自瘥以此致枉者天下大半凡始覺不佳便須救療若至於病即湯食競進折其毒勢自然而瘥必不可令病氣日甚拱手待斃斯為誤矣夫得病一日在皮當摩膏火灸淋浴發汗則愈

若不解者二三日在膚可法針服解肌散發汗出則愈
若不解者至三日復一發汗則愈若不解者則勿復發
汗也至四日在胃宜服赤小豆芾散吐之則愈至五日
在腹六日入胃則可下之若熱未入胃而誤下之其熱
乘虛入胃然病要須下者又不得留於胃中也若胃實
者熱毒為病三死一生若胃虛者熱毒入胃即爛矣微
者赤斑出此候五死一生劇者黑斑出此候十死一生
以病人各有強弱治有難易得効相倍也若得傷寒病

無熱但狂言煩燥不安精采言語與人不相主當勿以火灸但以五苓散二三錢服之可與新汲水一升或一升半可至二升強飲之指刺喉中吐之隨手便愈若不便吐者此病多不善勿以餘藥吐也又此病不急用猪苓散及吐解之法其斃速爾可先以發表之藥尤佳病者過日不已則不是熱不可下之若下之則熱毒乘虛入胃亦令胃爛斑出也又春夏無大吐下秋冬無大發汗若冬及始春天寒宜服神丹圓亦可摩膏火灸若末春夏

月初秋凡此熱月不宜火灸不宜厚覆宜服六味圓散
若無圓散及煎但用柴胡數兩煎服傷寒時行皆可服
也亦可以發汗藥發汗不但一也直至再三發汗不解
者當與湯實者宜轉下之其脈朝夕駛者為實癰也朝
平夕駛非癰也轉湯可早與服但當少與勿令下多其
間諸虛煩熱者與傷寒相似然不惡寒身不疼痛故知
非傷寒也不可發汗若頭不痛脈不緊數故知非裏實
不可下也如此外內皆不可攻而醫強攻之必致危損

多死難痊也虛煩者但當與竹葉湯若嘔者與橘皮湯
不愈者可重與服也若得病連服湯藥發汗而汗不出
者皆死病也凡難得汗者可蒸之如蒸中風法蒸濕之
氣於外迎之不得不汗出也 凡病發熱惡寒脈洪者
便宜發汗後以粉粉之勿令著風若當發汗而其人適
已失血及大下利者雖不可汗如此者可數與桂枝湯
使體中熱汗出連日如此自當解也夫表和裏病下
之則愈汗之則死裏和表病汗之則愈下之則死夫如

是則神丹不可以誤發甘遂何可以妄攻然則桂枝下咽表和則愈承氣入胃裏平則痊明當消息病之症候不可亂投湯藥虛其胃氣也經言脉微不可吐虛細不可下此醫之大禁也凡脉有浮沉轉能變化或人得病數日方以告醫雖云初覺視病已積日矣其疾久已成非發汗所解當診其脈隨時救療必得痊也不可苟以次第為之失其機要乃致禍矣傷寒病三日已內發汗者謂當風解衣夜卧失覆復為寒濕所攻也賊風相染

易為外邪所中也至於人自飲食過度生冷失節臟腑不能轉動稍有頭疼身熱其脈實大者便可吐下不可發汗也凡人有小病覺不如常則須早療若隱忍不療冀望自瘥須臾之間致成痼疾小兒女子益以滋甚若天行不和當自戒謹小有不安便須救療尋其邪由及在腠理湯散以時鮮有不愈者若患數日乃使邪氣入臟則難施治雖和緩之攻亦無能為也 夫氣寒者百病之始也是四時八節不正疫癘之氣經云春氣溫和

夏氣暑熱秋氣清涼冬氣冰冷乃四不正氣冬時嚴寒
萬類深藏君子固氣於密則不傷寒觸日月之寒者乃
傷寒耳春陽之分熱病歸之有八節邪氣所中於人陽
邪為病傳手經陰邪為病傳足經其邪自何而入自風
池而入為脊骨兩傍一寸五分是十二經之俞穴春夏
應陽秋冬應陰至真大論云寒暑溫涼盛衰之用其在
四維故陽之動始於溫盛於暑陰之動始於涼盛於寒
春夏秋冬各差其分易云水流濕火就燥熱論云夫熱

病者皆傷寒之類也人之傷於寒則為病熱熱雖甚不死
太陰明陽論云陽受風氣陰受濕氣注云同氣相求耳又
曰傷於風者上先受之傷於濕者下先受之注云陽氣
炎上故受風陰氣潤下故受濕蓋同氣相合也故風熱
火為陽寒濕燥為陰故熱論云五臟俱有熱病肝熱病
左頰先赤心熱病頰先赤脾熱病鼻先赤肺熱病右頰
先赤腎熱病頤先赤甲乙經熱論有春應煖而反寒夏
應熱而反冷秋應涼而反熱冬應寒而反溫乃非時之

邪氣是以辛苦之人一歲之中病無少長自一日巨陽
膀胱受之巨陽者三陽之首故先受之二日陽明胃受
之三日少陽膽受之未入其臟可汗之四日太陰脾受
之五日少陰腎受之六日厥陰肝受之其入藏可泄之
經云其未滿三日汗之而已其滿三日泄之而已故聖
人論汗下大槩言之以脉分別三日脉沉伏亦當下六
七日脉浮滑亦可汗故傷寒傳足經不傳手經未詳耳
且人身有十二經絡分布上下手足有三陰三陽稟天

地之氣天樞之上同天之陽天樞之下同地之陰至真
大論云身半以上其氣三天之分也天氣主之身半
以下其氣三矣地之分也地氣主之注云當陰之分冷
病歸之當足太陰熱病有手足少陰熱病有足厥陰熱
病熱論其三陰三陽五臟六腑皆受病榮衛不行五臟
不通則死矣未嘗只傳足經不傳手經 治傷寒須辨
陰陽人身手足各有三陰三陽合為十二經在手背者
為陽屬表為腑在手掌心者為陰屬裏為臟足經倣此

傷寒只傳足經不傳手經素問熱論中亦只說足陰陽也足太陽膀胱經少陰腎經並屬水足陽明胃經太陰脾經並屬土足少陽膽經厥陰肝經並屬木傷寒傳變陽經先受病故次第傳入陰經以陽主生故太陽水傳陽明土傳少陽膽為微邪陰主殺故少陽木傳陽明土傳少陰水傳厥陰木至六七日當傳厥陰肝木故移氣剋脾再受賊邪則五臟六腑皆困而危殆榮衛不通耳聾囊縮不知人而死矣速用承氣湯下之可保五

死一生古人云脾熱病則五臟危又云土敗則死至第
六七日傳厥陰脉得微緩微浮為有脾胃脉也故知脾
氣全不受尅邪無所容否極泰來榮衛將復水升火降
寒熱作而大汗解矣 甲乙經云邪生於陽者得之風
雨寒暑邪中於陰者得之飲食起居不時者陰受之陽受
風虛邪者陽受之飲食不節起居不時者陰受之陽受
之則入腑陰受之則入臟入六腑則身熱不得臥為喘
呼入五臟則填滿閉塞下為飧泄久為腸癖大抵發於

陽則太陽也發於陰則少陰也此二經為表裏其受病最多陽明太陰受病頗稀少陽厥陰肝膽之經又加少焉凡病一日至十三日太陽證不罷但治太陽有初得病便見少陰直攻少陰此最變活法也 寒邪或首尾只在一經又云六氣之邪乘虛之經自背得之則入太陽或入少陰自面感之則入陽明之類不必皆始於太陽次第傳於諸經或寒邪首尾只在一經不可以一理推但據脈與外證驗之假令病人脉浮緊頭項強痛發

熱惡寒已至過經每日如此只是太陽受病更不傳諸
經餘皆倣此 大凡陽病當投酸苦之藥微則用苦甚
則兼用之陰病當投辛甘之藥微則用辛甘甚則專用
辛古人云辛甘發散為陽酸苦湧泄為陰辛甘者桂枝
甘草乾薑附子之類謂能復其陽氣也酸苦參大青葶
藶苦酒之類謂能復其陰氣也 太陽傷寒一日二日
發熱惡寒頭疼腰脊強尺寸脈俱浮病在太陽經也陽
明傷寒二三日身熱目疼鼻乾不得臥尺寸脈俱長病

在陽明經也少陽傷寒三四日胸脇痛而耳聾或口苦
舌乾或往來寒熱而嘔尺寸脈俱強病在少陽經也太
陰病傷寒四五日腹滿咽乾手足自溫或自利不渴或
腹痛尺寸脈俱沉細病在太陰經也少陰傷寒五六日
口燥舌乾而惡寒尺寸脈俱沉病在少陰經也厥陰傷
寒六七日煩滿囊縮尺寸脈俱微緩病在厥陰經也

經言寒傷形寒傷皮毛寒傷血寒傷榮衛寒主閉藏而
腠理秘密陽氣拂鬱不能通暢怫然內作故身熱燥而

無汗故經曰人之傷於寒也則為病熱又云夫熱病皆傷寒之類也內經既直言熱病者言一身為之熱氣也以至仲景直言傷寒者言外傷之寒邪以至風寒暑濕之所傷主療不同故只言傷寒而不通言熱病也其寒邪為害至大故一切內外所傷俱為受寒而熱病者亦通謂之傷寒也一名大病者皆以為害之大也又春曰溫病夏曰熱病秋曰濕病冬曰傷寒傷寒者是隨四時天氣春溫夏熱秋濕冬寒為名以明四時病之微甚及

主療消息稍有不等大槩而言之則一也非爲外傷及
內病有此異耳或云冬伏寒邪於肌膚骨肉之間至於
春變爲溫病夏變爲熱病秋變爲濕病冬變爲正傷寒
病及日月受寒而內生怫熱熱微而不即病者以至將
來陽熱變動或又感之而成熱病非謂伏其寒氣而反
變寒爲熱也經曰冬傷於寒春必病溫亦其義也亦有
一時日月寒而使爲熱病者感四時不正乖戾之氣或
隨氣運興衰變動或內外諸邪所傷或他人傳染皆能

成之但以分門隨證治之耳經言此六經傳受乃外傷於寒而為熱病之大略主療之活法也又云辨傷寒陰陽之異證者是以邪熱在表腑病為陽邪熱在裏臟病為陰也俗乃妄言有寒熱陰陽之異證者誤之久矣且素問傷寒云熱病誠非寒也其三篇名曰熱論利熱篇評熱病篇及各篇明言為熱竟無寒理兼素問及靈樞諸篇運氣造化之理推之則明為熱病誠非寒也寒病固有矣非汗病之謂也且造化為汗液之氣者乃陽熱

之氣所為非陰寒之所能也以觀萬物熱極而出液則可知矣經曰夫熱病皆傷寒之類也又曰人之傷於寒也則為熱病然既身內有陰寒者止為雜病終莫能為汗病也况病法曰身熱在表飲水為熱在裏此傷寒汗病本末身涼不渴小便不黃脈不數者未之有也雖仲景用四逆薑附之類熱藥是以治其本裏和誤以寒藥下之太早表熱未入裏而寒下利不止及或表熱裏寒而自利者急以四逆湯攻裏利止裏和急以解於表也

故仲景四逆湯證後復有承氣下熱之說也由是觀之傷寒汗病經直言熱病而不言其有寒凝也經言三陰證者為邪熱在臟在裏以臟與裏為陰也宜不熱者也夫傷寒陰陽之別者非但表熱當汗而下之則死裏熱當下而汗之亦死故仲景曰桂枝下咽陽盛則斃承氣入胃陰實即亡死生之要在乎須臾視身之盡不暇計日此陰陽虛實之交錯其候至微發汗吐下之相反其禍至速而醫術淺短者懵然不知病為治乃誤使病者

殞歿然則止為邪熱在表則汗之邪熱在裏則下之熱
在上則吐之熱在下則泄之邪熱在半表裏則和解之
豈分寒熱陰陽之虛實與陰陽汗病之證耶況朱奉議
自言陰毒脈疾七至八至以上疾不可數者陰毒已深
也夫既云七至八至以上疾不可數者正是陽熱極深
之脈也豈是陰寒歟凡世俗所謂諸毒證以素問造化
驗之皆陽熱亢極之證但蓄熱極深在內而身表有似
陰寒也經云亢則害承乃制言五行之道熱甚過極則

反似尅其已者是為兼化如萬物熱極反幽水液以火
煉金熱極而反似水是以火極而似水之化也五行皆
然故肝熱甚則出泪心熱甚則出汗脾熱甚則出涎肺
熱甚則出涕腎熱甚則出唾今傷寒作汗之病氣者乃
陽熱怫鬱而否極復泰即熱氣蒸蒸而為汗出也如天
時暘熱亢旱否極而泰則復為雨也故欲雨則天乃鬱
熱晴霽則天反涼人涼則病愈熱在則病在故病寒者
自是寒病非此汗病之氣也雖寒屬陰水而天地陰陽

氣液相生之道則寒之化不能更生陰水也故古聖曰
陽中生陰陰中生陽氣中生液液中生氣又曰積液生
氣積氣生液又經曰氣和而生精液然氣為陽物故萬
物之水液皆生於陽熱之氣如天氣陽熱極甚則萬物
濕潤而冬寒則萬物乾燥由是言之既為作汗之病氣
本熱非寒明矣故經又曰凡傷寒而成溫病者先夏至
為溫病後夏至為暑病暑與汗皆出正言邪熱隨汗皆
出盡而愈也又經曰飲食飽甚汗出於胃驚而奪精汗

出於心負重遠行汗出於腎疾走恐懼汗出於肝搖體
勞苦汗出於脾此皆動亂勞苦而至陽熱以為汗出豈
可反言作汗之病以為陰寒邪今之俗醫不明陰陽變
化之道而妄取陽主於生陰主於死而欲養於陽熱者
殊不知此言自生之後以顯為陽陽中生陰故生者死
之道也既死之後以隱為陰陰中生陽故死者生之道
也此古人之論道乃死生有無動靜隱顯之陰陽非言
寒熱之陰陽也俗人妄言仙經云純陽升而為仙純陰

死而為鬼陰以養陽氣恐亦不如此以陽主虛無而言
神為陽陰主形體而言形為陰言善養生者調順陰陽
煉就陽神超升棄其陰體即純陽之神迺為仙也不明
道者寒熱不調以致陰陽勝負耗絕陽神惟存陰殼則
遊魂冥冥非鬼何哉此則修養家言形神之陰陽而非
醫之陰陽也俗又妄謂周易以陽為尊為美為善為剛
為清為正而陰邪反之但欲養於陽熱者此又不知易象
言陰陽體用之道以為教非言一身之寒熱陰陽也故陽

健唱命而陰順和之陰順和之則陰陽和平而同歸善道非以乾陽特為熱也且夫子云乾為天為圜為君為父為玉為金為寒為冰然則乾之純陽豈為熱耶此亦非特取寒冰為陽是取冰之勁健整肅清剛為乾健之象耳夫寒熱之卦坎為中男廼少陽之卦即寒冰也離為女乃少陰之卦即火熱也坎離水火為夫婦而易以陽剛坎水寒者為夫而以陰柔離火熱者為婦亦非以熱為陽剛而寒為陰柔也故易言陰陽者但以明其物

象而非素問論病寒熱陰陽之氣也設云乾為寒者本
非取乾陽之勁慄清整像乾之道也俗有妄言人生則
身溫而死則身冷及病雖身熱未至於死將死者必熱
反變寒而後死也陽則生陰則死以此專欲養於陽熱
殊不知一身之內寒水燥濕風火六氣渾為一兩停則
和平一興一衰病以生也夫和平之常者溫涼得所適
當其和陽之氣如俗云人體溫和是也然冬寒而人腠
理闔密則身當溫和夏熱則腠理開通而多汗出則身

當微涼相反者病過與不及亦病其中臟腑陰分以為
根本則固守陽和之氣但當溫和乃為和平唯腑臟之
氣各隨五行休囚旺相死之時位而微有虛實不一也
此之虛實乃自然之道而不為病者然冬腎水陰至而
復以天氣寒則腠理閤密而氣收藏陽固守於內則適
當其平而以能內外之寒夏心火陽王而熱復以天氣
熱則膚腠開泄而陽熱散越於外適當其平而以能內
外之熱萬物皆然此陰陽否泰天道造化之理蓋莫大

乎此也然雖秋冬否閉此以其肺腎陰王而得其所故
康彊省病而病亦輕微春夏開泰以其肝心陽旺故怯
弱多病而病熱怫鬱則陽氣越故病甚而多死亡及夫
地理方位高下四時寒熱溫涼安危壽夭並同故經曰
陰精所奉人多壽陽精所奉人多夭又仙經西山記言
平人四時當有晞謂三焦相火無不足八節不得吹謂
腎臟陰難得實然則豈可不明陰陽虛實但欲養於陽
熱耶凡病致死者陽和氣既不存則止為陰濕形體而已

非冷何哉俗未知熱甚則熱蓄於內而陽氣不能營運於四肢身表故四肢逆冷以至身冷脈細而絕則死蓄熱甚者氣血不通而身面俱青此則畜熱之深也所以仲景言傷寒熱極失下則厥厥深者熱亦深而厥微者熱亦微如此則熱極而死者莫不身冷脈微而已至於絕也俗未明其然直反曰陽在則生陽去則死又曰陽熱變為寒則死因以但欲養其陽熱而反致殘陰暴絕則陽氣後竭而死者不為少也俗醫未深明造化又以

妄為傷寒得之勢惡陽勢暴甚而使畜熱以深身冷厥
逆手足無復溫和者真以為寒極而為陰厥以對陽厥
及表裏熱勢俱甚而不畜熱於內者以為陽毒以配陰
毒分為寒熱陰陽之異證曾不知傷寒汗病便是熱病
實無陰厥者也嗚呼病本熱甚熱蘊表裏則陽氣陷下
以至厥身冷或青而脉微乃妄以寒極而內外急救其
陽而反招其暴虛之陽因以妄言必死之證間或彊實
之人素本不衰及熱鬱怫結向衰微者偶中辛甘熱藥

發散而腠理氣通怫熱以隨汗泄而愈者遂以為必死之病而救之以活反恨往之死者救助其陽之不及因以互相議論但見畜熱內結厥逆者或未厥者早以溫之毋用寒涼恐成陰毒陰證而死俗醫治傷寒誤人多者無過於此後學之士但以素問運氣自然造化之理原其標本則明可見焉且以依法救人慎勿惑於衆人之言故經曰謹熟陰陽無與衆謀又曰知逆與從正行無問此其道也 又云傷寒傳染論夫傷寒傳染之由

者因聞大汗穢毒以致神狂氣亂邪熱暴甚於內作發
於外而為病也則如西山記曰近穢氣而傷真氣錢仲
陽曰步履糞穢之履無使近於嬰兒若聞其氣則令兒
急驚風搐也孫真人云乘馬遠行至暮當沐浴更衣然後
方可近於嬰兒使不聞馬汗氣毒不然則多為天吊急
驚風搐也故刺死馬者感其毒氣而成馬氣丁黃之疾
皆由聞其毒氣之所作也故聖惠方以法大汗則懸藥
於戶辟其大汗穢毒無使傷於人也世以艾炙席隅者

皆其義也多染親屬憂戚侍奉之人勞役者由其神氣怯弱易為變亂故也何以知傳染者脈不浮者是也若誤以熱藥解表不惟不解其病反甚而危殆矣其治之法自汗宜以蒼朮白虎湯無汗宜滑石涼膈散熱散而愈其不解者適其表裏微甚隨證治之而與傷寒之法皆無異也 大凡治病必先明此寒暑燥濕風火六氣最為惡也故曰其治病之法以寒治寒以熱治寒以清治溫以濕治燥乃正治之法也又云逆治所謂藥氣逆

病之氣也其病輕微則當如此治其病重當從反治之
法其反治者亦名從治所從順於病之氣也是故經曰
以熱治熱以寒治寒然以熱治熱非謂病氣熱甚更以
熱性之藥治之本是寒性之藥反熱佐而服之所謂病
氣熱甚藥氣反寒病熱極而懼其藥寒寒攻不入寒熱
交爭則其病加也故用寒藥反熱佐而服之令藥氣與
病不相違忤其藥性寒熱服下咽之後熱體既消寒性
乃發由是病氣隨愈其餘皆倣此然正治之治猶君刑

臣過逆其臣性而刑之矣故熱病不甚治之以寒逆其病氣病自除矣反治之法猶臣諫君非順其君性而怡悅之其始則從其終則逆可以使君去其邪而歸於正也素問至真要大論云寒者熱之熱者寒之從者逆之順者從之王冰註云病微猶人挾火得草而熯得木而燔可以水滅之故逆其性氣而折之病氣微而攻之以寒病甚猶救龍火得濕而焰遇水而燔不知其性以水折之以濕攻之適足以光焰詣天物窮方止矣識其

性者反常之理以人火逐則焰灼自消炎光撲滅然逆之謂以寒攻熱以熱攻寒從之謂熱難入從其性用不必皆同是以下人曰逆者正治從者反治從少從多觀其是也若夫實實虛虛以寒攻寒以熱攻熱則於逆從之道畔矣 臟腑經絡先後病脈證間曰上工治未病何也師曰夫治未病者見肝之病知肝傳脾當先實脾四季脾王不受邪即勿補之中工不曉相傳見肝之病不解實脾惟治肝也肝之病補用藥助用焦枯益用甘

金匱要略卷之八
卷一百二十一
辛之藥調之酸入肝焦苦入心甘入脾脾能傷腎腎氣
微弱則水不行水不行則心火氣盛心火氣盛則傷肺
肺被傷則金氣不行故治之能使肺氣盛則肝病自愈
此治肝補脾之要妙也肝虛則用此法實則不可用之
經曰虛虛實實補不足損有餘是其義也餘臟準此

夫人稟五常因風氣而生長風氣雖能生萬物亦能害
萬物如水能浮舟亦能覆舟若五臟元真通暢人能
和客氣邪風中人多死千般疾難不越三條一者經絡受

邪入臟腑為內所因也二者四肢九竅血脈相搏壅塞不通為外皮膚所中也三者房室金刃蟲獸所傷以此推之病由都盡若人能養慎不令邪風干忤經絡適中經絡未流傳臟腑即醫治之四肢才覺重滯即導引吐納鍼灸膏摩勿令九竅閉塞更能無犯王法禽獸災傷房室勿令竭之服食節其冷熱苦酸辛甘不遺形體有衰病則無由入其腠理腠者是三焦通會元真之處為血氣所注理者是皮膚臟腑之文理也問曰病人有氣

色見於面部願聞其說師曰鼻頭色青腹中痛若冷者
死鼻頭色微黑者有水氣色黃者胸上有寒色赤為風
色黃者便難色鮮明者有留飲師曰病人語聲寂然喜
驚呼者骨節間病語聲喑喑然不微者心膈間病語聲
啾啾然細而長者頭中病一作痛又云息搖肩者心中堅
息引胸中上氣者欬息張口短氣者肺痿唾沫又云吸
而微數其病在中焦實也當下之即愈虛不治在上焦
者其吸促在下焦者其吸遠此皆難治呼吸動搖振振

者不治又云寸口脈動者因其旺時而動假令肝主青色四時各隨其色肝色青而反色白非其時色脈皆當病問曰有未至有至而不至有至而不去有至而太過何謂也師曰冬至之後甲子夜少陰起少陽之時陽始生天得溫和以未得甲子天因溫和此為未至而至也以得甲子而天未溫和此為至而不至也以得甲子天大寒不解此為至而不去也以得甲子而天溫和如盛夏五六月時此為至而太過也又云病人脈浮者在前其

病在表浮者在後其病在裏腰疼背強不能行必短氣而極也問曰經云厥陽獨行何謂也師曰此謂有陽無陰故稱厥陽問曰寸脈沉大而滑沉則為實滑則為氣實氣搏血氣入臟即死入腑即愈此為卒厥何謂也師曰唇青身冷氣入臟即死如身和汗自出為入腑即愈問曰脈脫入臟即死入腑即愈何謂也師曰非為一病百病皆然譬如浸淫瘡從口起流向四肢者可治從四肢流來入口者不可治病在外者可治入裏者即死問

曰陽病十八何謂也師曰頭痛項腰脊臂脚掣病陰病十八何謂也師曰欬上氣喘噦咽腸鳴脹滿心痛拘急五臟病各有十八合為九十病人有六微微有十八病合為一百八病五勞七傷六極婦人三十六病不在其中清邪居上濁邪居下大邪中表小邪中裏蟄註之邪從口入者宿食也五邪中各有法度中風於前寒中於前寒於中暮濕傷於下霧傷經熱極傷絡問曰病急當救裏後救表者何謂也師曰病醫下之續得下利清穀

不止身體疼痛者急當救裏後身體疼痛清便自調者
急當救表也夫病痼疾加以卒病當先治其卒病後乃
治其痼疾也師曰五臟病各有得者愈五臟病各有所
惡各隨其所不喜者為病病者素不應食而反暴思之
必發熱也夫諸病在臟欲攻之當隨其所得而攻之如
渴者與猪苓湯餘皆倣此歌曰傷寒無汗惡寒攻緊
瀉浮兮慘有容自汗惡風浮緩脈面光不慘是傷風
又論云傷風脈浮而緩自汗惡風頭疼面光發熱燥煩

手足不寒熱勝不得謂傷寒耳風傷衛氣表虛自汗法
常解肌桂枝湯敗毒散獨活散人參羌活散可選用之
若項背強桂枝加葛根湯裏傷不飲水者桂枝去芍藥
加附子湯或加乾薑臍滑者和解散若鼻塞通關散
或發汗漏不止而惡風四肢拘急桂枝加附子湯壯熱
煩燥人參羌活散參蘇飲或天麻防風丸薄荷泡湯調
下脉濡緊自汗勿用桂枝湯當用小建中湯傷寒脉浮
而緊無汗惡寒頭疼面慘發熱拘急手足微寒寒勝於

熱耳寒傷榮氣表實無汗法當發汗麻黃湯麻黃葛根
湯人參順氣散可選用之頭疼甚者葱白湯或熱多寒
少脈弱無陽只用桂枝二越脾一湯或喘急者可與麻
黃湯尺脈遲而血少者黃耆建中湯淋家衄家瘡家虛
家四動氣不可汗可與小柴胡湯太陽脈浮有汗為傷
風脈緊無汗為傷寒陽明善飢為傷風不食為傷寒少
陽耳聾目赤胸煩滿為傷風口苦咽乾目強為傷寒三
陰傷風但四肢煩疼傷風見寒傷寒見風脈證熱盛而

煩手足傷風生寒脈緊浮全不煩少熱肢微厥寒證兼
風脈浮緩然傷風見寒脈傷寒見風脈為榮衛俱受邪
用大青龍湯然大青龍不可輕用須是風寒俱盛又加
煩燥證方可與之知易簡者謂二證交攻則桂枝麻黃
湯兼用尤為穩當二陽合病太陽合謂脈浮長若是浮
弦合少陽膽合胃時弦下短更將外證互推詳太陽陽
明本太陽病若汗若利小便無津液胃中燥轉屬陽明
大便堅小便利是為脾約脾約丸麻子仁丸主之若惡

寒則用升麻葛根湯不惡寒反惡熱大便秘可少與
白虎湯不惡寒反惡熱大便秘或譫語調胃承氣湯下
之喘而胸滿者不可用麻黃湯太陽少陽頸項強急
腹不鞭滿目眩往來寒熱諸證並用小柴胡湯少陽陽
明本少陽病因發汗利小便後胃中燥大便秘難用調胃
承氣湯正陽陽明本經風盛氣實也大柴胡湯大小承
氣湯主之又三陽合病腹滿身重面垢譫語遺尿口中
不仁用白虎湯或舌乾口燥不仁背惡寒者通用太陽

陽明少陽陽明正陽無表證者俱可不惟惡寒中寒為
太陽陽明合病未過經亦屬表可發汗用桂枝麻黃各
半湯蓋在經則汗過經則否也三陽無合病 太陽陽
明併病歌曰太陽已汗病陽明不惡寒兮裏未寧全入
陽明須下劑汗之猶在太陽明併病本太陽初病發汗
而未徹轉屬陽明續遂自汗出不惡寒是併歸陽明也
若太陽證尚在桂枝麻黃各半湯若太陽證已退但有
陽明者大承氣湯下之 春溫夏熱歌曰春溫浮緊易

經安發熱頭疼咳嗽千夏月傷寒為熱病脉來洪盛療
應難溫病發於春間及夏至以前是也發熱咳嗽頭疼
身痛口中燥渴脉來浮緊看其病輕而熱多者小柴胡
湯熱少者升麻湯解肌湯微熱不渴者小柴胡加桂湯
者小柴胡去半夏加人參枳實根脈實煩渴大柴胡微
利之以其實而大便秘也虛煩用竹葉湯嗽者小柴胡
加五味子夏月傷寒是為熱病發熱頭疼肢體疼重或
惡熱脉洪盛用藥不可太溫如桂枝麻黃青龍湯之屬

須以黃芩升麻佐之熱病三日外脈仍數邪猶在經絡
未入臟腑者桂枝石膏湯三月至夏至謂晚發梔子升
麻湯 風溫濕溫歌曰風溫熱汗脈多浮喘渴瘕癰體
不收腹滿脚寒頭目痛濕溫譫熱汗頻流風溫尺寸俱
浮緊傷於風因而傷熱風與熱搏即發風溫惟其有風
則四肢緩縱而不收也其證身熱自汗頭疼喘息發渴
昏睡或體重不仁謹勿發汗汗則譫語躁擾目亂無睛
張氏又云寸脈浮滑尺脈濡弱亦不可下下之則失

洩直視若被火則發黃癡狀如驚癇皆變逆之證耳病
在少陰厥陰二經用姜桂湯人參敗毒散身灼熱知母
乾葛湯甚者枯薑根湯脈浮身重汗出漢防已湯譟汗
用防已黃耆湯救之龐氏用葛根龍膽湯證治論用小
柴胡湯未醒者柴胡桂枝湯取微汗痰壅金沸草散咳
嗽加杏仁細辛五味子濕溫寸濡而弱尺小而急素傷
於溫因而中暑溫與熱搏即發濕溫其狀胸滿頭目痛
發壯熱若妄言身上汗多兩脛逆冷倦怠惡寒若妄發

其汗使人不能言耳聾不知疼處其身青面色變是重
喝而腎殺之濕溫病在太陽經用白虎加蒼朮湯更加
官桂濕氣勝則一身盡痛發熱身黃小便不利大便反
快用除濕湯五苓散臟腑虛大便滑者理中湯加蒼朮
白茯苓虛滑甚者朮附湯暑氣勝則壯熱煩躁小便不
利大便秘口渴用香薷散治要六合湯腑閉而煩渴者
白虎加蒼朮湯 風濕歌曰風濕浮兮額汗為腫疼發
熱喜重衣身黃熱沉而緩中濕用疏水府稀又論云

風濕脈浮先傷濕而後傷風故也外證肢體重痛不能轉側額上微汗怯寒而不欲去衣大便難小便利熱至日晡而劇治法但微解肌若正發汗則風去濕在非徒無益而又害之治法微解肌用麻黃杏仁薏苡甘草加白朮防己黃耆湯不嘔不渴脈虛浮而濡者桂枝附子湯濕多身痛小便不利甘草附子湯煩渴小便不利五苓散外不熱內不渴小便自利朮附湯若昏沉腹滿身重自汗失音下利不禁白通湯多加白朮少用甘草身

腫疼微喘惡風杏仁湯通用人參敗毒散熱而煩渴者
加枯薑根若誤下之小便必不利可與五苓散中濕脈
沉而緩風雨襲虛霧霧乘隙人多為濕所傷也一身盡
痛重着發黃關節煩痛發熱鼻塞時或脹滿大便利
小便難外證耳濕家不可汗汗之則發瘧熱而瘧者
死亦不可下下之則額汗胸滿微喘而噦小便不利全
濟赤難經云治濕之法不利小便非其治也中濕小便
不利大便自利甘草附子湯五苓散或除濕湯加茯苓

主之大小便皆直利則與朮附湯身體痛鼻塞黃耆建
中湯小建中湯寒濕交攻疼痛重着易簡滲濕湯甚者
參料理中湯加熟附子風寒濕氣合而為痺其何以為
治曰寒多則為疼痛常用官桂乾薑附子風多則為走
注常用麻黃薏苡烏頭中氣則為堅滿紫蘇陳皮枳殼
所不可闕中濕則為重着能以茯苓蒼朮乾薑主之應手而
愈 溫毒中暑歌曰溫毒春間斑發瘡嘔而咳悶透心
傷背寒面垢虛來脈自汗焦煩是暑傷溫毒者冬間感

受寒毒乖氣至春而發也表證未退毒氣不散所以發
斑肌肉絞疼心下煩悶嘔逆咳嗽後必下利寸脈洪數
尺脈實大其為病重蓋陽氣盛耳治法通用玄參升麻
湯黑膏六一散或用敗毒散加紫草咳悶而嘔清水實
者芎根橘皮湯證治論黃連橘皮湯中暑脈虛弱或沉
伏身熱背寒面垢自汗躁煩毛聳惡寒昏昏倦怠而身
不痛經云寒則腠理閉暑則腠理開開則灑然寒閉則
熱而悶體認不精以傷暑為熱病誤人多矣內外俱熱

口燥煩渴四肢微冷而不動白虎湯嘔逆惡寒橘皮湯
熱悶不惡寒竹葉石膏湯頭疼惡心煩躁心下不快五
苓散消暑九霍亂吐瀉香薷散溫服信効方中暑用小
柴胡湯脈沉遲腠理開灑然毛聳口前開而板齒燥用
白虎加人參湯傷暑發大熱頭疼自汗咽疼煩躁腹中
熱結諸藥不効者小柴胡湯最良小便不利五苓散熱
病中暑濕溫雖皆因暑所致然脈證不同當明辨之熱
病者冬間感寒至盛暑而後發此即夏月傷寒但熱多

而脉洪盛者是也中暑者病在太陽外證與熱病相似
但熱病脉盛肢節重痛中暑脉虛肢節不疼兼面垢背
寒而手足微冷者是也濕溫相搏之病在太陽其脉寸
濡而弱尺小而急外證胸滿頭目痛身熱汗多而足脛
逆冷是也以上三證夏月病多有之須別其名庶無毫
釐千里之謬凡夏月傷暑雖則熱毒為害皆因脾胃虛
怯而得之胃虛然後伏暑然後煩躁其有飲水過多及
用解暑冷藥太過傷動其中真氣內虧嘔吐不食自利

不渴六脉沉微按之隱隱是為裏寒外熱如陰盛格陽之類不可更泥中暑伏熱之說急以理中甘草乾薑湯與之縱或微煩小便不利斷不可以為熱也又有冷藥過度胃寒停水潮熱而嘔或身有煩熱此為陽浮外而不內可與小半夏茯苓湯或加前胡脾胃素弱者二陳湯主之雖然抑猶有解夏月病多傷暑暑家脉虛而慘冷汗手足微寒苟不揣其裏熱之證妄以剛劑投之是猶抱薪救火不發黃則發斑甚至蓄血悶亂而死矣可

不遡源窮流而精審之哉假如夏月泄瀉不止胃脘閉
隔飲食不進或心腹痛滿大抵因暑得之泄瀉中滿者
香薷散加縮砂下消暑九心腹刺痛者香薷散加縮砂
下蘇合丸俱得其便假如夏月下痢赤白煩渴嘔逆腹
中攪痛小便不利是亦因暑致之可與五苓散香薷散
小柴胡湯黃龍丸之屬若以此嘔證為脾胃寒嘔則誤
矣 瘧病溫瘧疫癘歌曰瘧甚風癰強體肢柔剛二證
必須推後寒先熱名溫瘧疫癘之邪責四時瘧者先傷

於風又感寒濕所致發熱腹痛口噤頭搖癡癰不語項
強背直腰身反張或目痛或目赤或閉目或足冷或足
溫或妄行其脉沉弦而遲亦或帶緊此為惡候不救者
多若脉如雨濺散出於指外者旦暮殂也傷風頭疼發
熱常出微汗又自嘔逆汗之必發瘧新產血虛汗出傷
風亦致發瘧大發濕家汗亦作瘧者死瘧病初發多有
腹疼之證內經曰戴眼反折瘧瘵汗出如珠着身不流
太陽絕也其謂是乎發熱無汗惡寒譌語為剛瘧用葛

根湯麻黃葛根湯發熱有汗惡寒為柔瘧用桂枝加葛
根湯桂枝括萎根湯二瘧通用小續命湯剛瘧去附子
柔瘧去麻黃剛瘧腹滿內藥咬齒腳攣卧不着席大承
氣湯下之柔瘧桂心白朮湯附子防風散八物白朮散
其脉尺寸俱盛先熱後寒汗吐下後重感於寒而得之
寒多者其脉弦遲熱多者其脉弦數寒熱乃陰陽之爭
也先熱後寒先寒後熱或寒熱相等並小柴胡湯先寒
後熱小柴胡湯加桂枝多熱而燥少與白虎加桂湯多

寒者柴胡桂薑湯或致中湯加桂寒少熱多或多痰而嘔食不入二陳湯加烏梅小便赤經汗出煩渴素有瘡氣不服水土而嘔五苓散大便秘嘔吐寒熱無時脉小緊者大柴胡湯下之痰證傷食類傷寒有痰頭項皆和暢外熱憎寒寸浮上頭疼右手脉數身不疼左手脉平傷食狀痰證寸口脉浮發熱憎寒惡風自汗胸滿氣上衝咽不能喘息頭不疼項不强為異耳有熱用柴胡半夏湯金沸草散易簡參蘇飲無熱二陳湯溫膽湯伸欠頭

痰者胸滿發寒熱亦是痰證痰脈緊而不大瓜蒂散吐之不得謂痰證例無頭疼而以他證參之也傷食右手關脈緊盛而數頭疼發熱惡風但身體不疼中脘痞悶噯噯噎食臭為異耳熱邪伏於脾胃則食不能消經云人迎緊盛傷於寒氣口緊盛傷於食人迎主外風寒入之氣口主中飲食傷之是以有左右手之別中脘痞悶嘔而熱者二陳湯加生薑烏梅寒多不甚熱者治中湯五積散心腹滿痛者大柴胡下之胸膈實而嘔吐者食

在上脘瓜蒂散吐之 夾食傷寒證候按病源云下後
六七日不大便煩熱腹滿而痛為胃中有乾糞亦挾宿
食故也審如是則夾食傷寒即太陰證腹滿時痛桂枝
湯加大黃者是也所以太陰受病主胸膈脹嘔吐飧泄
朱氏以為飲食得之如曰太陰證飲食不節胸膈不快
用理中湯加青皮陳皮或枳實理中丸或二陳湯皆其
治之今推明治法有表者用致中湯去白朮多用青皮
有表復有裏者用桂枝加大黃湯若表證已解但有裏

證者小承氣湯與之可也張氏云傷食者劉大黃三五粒入湯劑中正此意耳雖然夾食傷寒則脾胃已傷暴加轉下不可也復發其汗亦不可也夾食傷寒見吐利厥逆而不挾表證者依陰病及霍亂等治之若吐利厥逆而挾表證者即依先救表之法 虛煩脚氣類傷寒虛煩身首全無痛脉自和平多熱壅轉筋惡食大便難脚氣酸疼而弱腫虛煩諸虛煩熱也不惡寒身不痛頭不疼脉不浮不緊數為異耳重者竹葉湯輕者小柴胡

湯嘔者橘皮湯並不可下陰證虛煩外熱內寒肢節疼
陰旦湯 脚氣初病發熱憎寒頭痛嘔噦惡聞食臭肢
節酸痛大便難或胸滿腹痛卒起而脚轉筋屈弱攣痛
腫重痺頑為異耳脚氣通用三和散降氣湯大流氣飲
烏藥順氣散分氣紫蘇飲木瓜散石楠丸枳殼散用木
瓜煎湯調下毒氣入腹衝心作痛吐涎者降氣湯下養
正丸或用吳茱萸製炒煎熱入生薑汁主之寒多者越
婢湯小續命湯加獨活濕多者除濕湯五苓散痰多者

除濕湯下白丸子挾寒者養正丹躁煩者竹瀝湯或紫
雪丸太便秘者脾約丸神功圓麻仁丸或五積散加大
黃風毒腫疼排風湯檳榔散筋急掣痛木香煎湯調乳
香趨痛散又用香蘇散三錢川練子兩箇取皮肉剉新
瓦上焙降真香碎三節和之新汲水煎空心服腳氣證
候與傷寒無異或發熱頭疼或身體冷痛或寒熱往來
或自汗惡風或大小便秘或腹痛下利胸滿氣短怔忡
煩悶嘔噦涎沫惡聞食臭大類傷寒但卒起腿腳屈弱

碩痺肢節攣急酸疼或歷節及髀脛間焮然赤腫為異
耳傷寒傳足六經在太陽則頭疼項強腰背酸重在陽
明則口燥鼻乾惡熱譫語在少陽則耳聾口苦脇疼在
太陰則胸腹滿痞肢體浮腫在少陰則咳喘而驚咽痛
在厥陰則癰緩筋攣陰器脹痛六經所傳又有合病併
病外證與傷寒並同凡遇發熱燥煩大便不通嘔噦痰
涎而惡食者起於熱熱則下而愈須審問之脈浮而弦
者起於風則汗而愈濡而弱者起於濕濕則滲而愈洪

而數者起於熱熱則下而愈遲而澁者起於寒寒則溫而愈風寒暑濕證狀不同然風為走注寒為疼痛暑為熱煩濕為重着必有可驗之證治法總貴乎疏導但不可過劑其補湯淋洗則醫家之大戒也雖然腳氣漸入頓深非藥力相接不可也治之亦當究其源或因風寒發動則為之解風寒或因飲食釀成則為之消飲食氣觸而發者則為之調氣續生他病者則以他病方藥理之所患氣實而死未有服藥致虛而殂者甚至喘嗽氣

上衝心痛嘔吐腹脇脹滿頑痺不仁最為惡候然則所謂寒則溫之熱則寒之在表者散之在裏者下之大虛者扶養之是為不刊之法 傷寒傳經之邪病至厥陰其脈微帶浮緩之狀是則脾氣將復邪無所容寒熱作而得汗以解若尺寸俱沉短此為毒氣入臟土敗木賊脾受肝邪必有囊縮舌卷耳聾不知人之證當急下之五救其一 傷寒表證當汗而不可下裏證當下而不可汗在半表半裏當和解而不可發汗吐下在上則通

之在下則泄之傷寒無汗表病裏和則麻黃湯汗之或
天水散之類亦佳表不解半入於裏半尚在表者小柴
胡湯和解之或天水涼膈散甚良表裏熱勢俱甚大柴
胡湯微下之更甚者大承氣湯表熱多裏熱少者天水
一涼膈半和解之裏熱少未可下者涼膈天水一半調
之勢更甚者小承氣湯下之表證解但有裏證者大承
氣湯下之凡此諸可下者通宜三承氣湯下之發汗不
解別無異證者通宜涼膈散調之以退其熱兩感證則

做此而已傷風自汗表病裏和者桂枝湯解肌半在表
半在裏白虎湯和解之病在裏者大承氣湯下之一法
無問風寒暑濕有汗無汗內外諸邪所傷但有可下者
或表裏兩證俱不見而目深但睛不了了睛不和者或
腹脹滿實痛者或煩渴或譫語妄言或狂躁喘滿者或
熱極而將死者通宜大承氣湯下之或三承氣湯尤良
傷寒大發汗汗出不解反無汗脈尚浮者蒼朮白虎湯
和解之或中暑自汗脈虛頭痛口乾倦怠煩躁或時惡

寒或畏日氣無問表裏通宜白虎湯裏熱勢甚腹滿而脈沉可下者宜大承氣湯或三承氣湯傷寒表熱極甚身疼痛不可忍或煩或嘔裏有微熱不可發汗吐下擬以小柴胡天水涼膈之類和解恐不能退其熱勢之甚或大下後或再三下後熱勢尚甚不能退本氣虛損而脈不能實擬更下之恐下脫而立死不下亦熱極而死寒涼之藥不能退其熱勢之甚者或因大下後濕熱下利不止熱不退脈弱氣虛不可更下者或諸濕熱內甚

小便赤大便溏瀉頻併少而急痛者必欲作利也速宜黃連解毒湯或裏熱極甚而陰氣虛不能退者或已下後熱不退者或畜熱內甚陰厥極深以至陽氣不能營運而已致遍身青冷痛甚不堪項背拘急目赤睛疼昏眩恍惚咽乾或痛躁渴虛汗嘔吐下利腹滿實痛甚至痞悶煩亂喘息急聲脉疾而數以其畜熱極深致脈沉細而欲絕或始得病陽熱勢暴而便有此證者或兩感勢甚者通宜解毒湯加大承氣湯下之熱不退者再下之

雖古人有云三下熱不退者死然亦有下四五次利數十行而熱退救活者又下利熱稍退而未愈者亦用黃連解毒湯調之或微熱未除者涼膈散調之或失下熱極以致身冷脉微而昏冒將死者若急下之則陰暴絕陽氣復竭而立死不下亦死當以涼膈散或黃連解毒湯養陰退陽使熱氣漸以消散則心胸腹暖脉漸以生俟脈復有力然後以三承氣湯選用或下後微熱不解者涼膈散調之愈後但宜用退熱之藥忌發熱諸物以熱

易於再作也 六經傳變太陰少陰厥陰皆屬陰證也
少陰者腎也厥陰者肝也太陰者脾也脾何以謂之太
陰太陰者脾之經主胸膈脹腎何以謂之少陰少陰
者腎之經主脈微細心煩但欲寐或自利而渴又寒入
於太陰則發熱而惡寒入於少陰則只惡寒而不發熱
也三陰中寒微則理中湯或稍厥或下利乾薑甘草湯
重者四逆湯無脈者通脈四逆湯厥陰者肝之經也厥
陰之為病主消渴氣上衝心中痛飢不欲食食則吐衄

下之利不止若陰氣獨盛陽氣暴絕則為陰毒其證四肢逆冷腹臍築痛身如被杖脉沉疾或吐或利當急灸臍下內服辛熱之藥令陽復而大汗矣 人之傷寒則為熱病古人通謂之傷寒病前三日巨陽陽明少陽受之熱在於表汗之則愈後三日太陰少陰厥陰受之熱傳於裏下之則愈六經傳受由淺至深皆是熱證非有陰寒之證古聖訓陰陽為表裏惟仲景深得其意厥後朱氏編活人書俱失仲景本意將陰陽二字釋作寒熱

此差之毫釐失之千里矣 傷寒則別語無倫者曰譊
語實則譊語也外證大便秘小便赤聲重曰鄭聲虛則
鄭聲也外證二便利手足冷下洩曰轉失氣大便堅小
便利曰脾約得大便曰更衣大便如常曰清便自調或
云自可水穀不化曰下利清穀下利曰飧泄痔曰腸癖
腸癖謂痔也素問曰飲食自倍腸胃乃傷活人書云此
太陰受病下為飧洩久為腸癖病十二日曰過經長蟲
曰虵蟲即蛔蟲也陰病發躁曰陰躁手足逆冷曰厥有

陰厥陽厥二證手足指頭微冷曰清屬三陰肌膚冷或
下利而發躁無時暫安曰臟厥不治兩手無脉曰雙伏
一手無脉曰單伏男子病新瘥而婦人與之交曰陽易
婦人病新瘥而男子與之交曰陰易燒裊散猥鼠糞湯
竹皮湯男子作陰腫小腸絞痛婦人則裏急腰膝連腹
內痛其人身體重熱上衝胸頭重不能舉眼中生花四
肢拘急小腹絞通手足拳百節解離經脰見者皆主死
一呼一至曰損脉離經太過曰至不及曰損一呼三至

曰至脉離經二脉惟陰易陽易病有之發汗吐下後溫
針後病不解此為壞病又曰何逆何逆有四種或變為
溫瘧或變為風溫或為溫毒或為溫疫也發汗而汗不
止曰漏風漏風亦亡陽之別名也又大下之後損傷陰
血亦謂之亡陽又太陽病桂枝證而投麻黃汗出多遂
漏不止亦曰亡陽發狂條有因火劫驚狂謂之火邪其
人亡陽尺寸脉緊主無汗今反有汗者曰亡陽大抵陰
病主無汗今有汗者亦亡陽也三月至夏方發曰晚發

冬應寒而反大溫人暴感之而病曰冬溫非時暴寒伏
於少陰之經咽痛不利曰腎傷寒發汗後仍灼熱自汗
曰風溫係何逆之數也中暑曰中暍感不時之氣而病
老幼皆相似者俗謂之天行發濕溫汗曰重暍重暍者
死溫病汗出徹後復發熱而脉躁疾不為汗衰狂言不
能食曰陰陽交交者死也評熱論云發熱脉躁狂言不
能食謂之三死發熱脉躁盛不得汗者曰陽極死又若
已得汗而脉躁盛者亦主死也大都汗後脉躁盛者皆

主死也病瘥後更發熱曰遺熱病瘥後勞動再病曰勞復病瘥後食肉再病曰食復脉浮遲或弱不能作汗其身癢者曰無陽目亂無神吐利並作曰霍亂鼻出血曰衄陽病下之早為結胸為懊懷陰病下之早為痞不按自痛臍腹堅硬曰大結胸按之而痛為小結胸又有水停結在胸脇間身無大熱而額微汗出曰水結胸煩躁多而有結胸證曰熱實結胸無熱而有結胸證曰寒實結胸證似結胸飲食如故時時下利陽脉浮關脈小細

沉緊舌上白胎而滑者曰臟結死不治上唇有瘡蟲食其喉或食其藏曰戴下唇有瘡蟲食其肛或食其陰曰狐咳逆曰噦乾嘔曰哕脉相剋賊曰負負者死謂陽明與少陽合病其脉但長大者謂有胃脉為順若脉中有弦即是有木脉也土被木賊故曰負所以死也傷寒有所不利者行之取其滲洩也利小水曰滲洩大抵小數則大便難小便曰洩民病驚澹大便寒而鴨澹水穀不別也大便堅硬曰鞭此有熱而鞭也故曰寒則澹熱則

垢也協熱而利謂之腸垢渴欲飲水水入即吐名曰水逆黃病曰疸內經瘧論中謂疸為熱活人書以黃為疸南方暑濕近夏瘧熱故病黃也疸與瘧同因熱而病黃疸也心振寒而動曰悸厥陰證云厥逆怔忡此有水也宜治水脚氣有小腹不仁而怔忡者少陽嘔而發熱胸脇滿小便不利怔忡者心中若有所失曰懊懣當汗而誤下者為痞為結胸為懊懣應下而汗者為亡陽為譫語為下厥上竭強發少陰汗則動血或出口鼻或出耳

目謂之下厥上竭也目中不了了謂不明也或謂之睛不和言不和平如尋常也口中不仁小腹不仁者即所謂皮膚不仁之義皮膚不仁者頑麻而不知有無也身振搖而動曰肉瞤瞤下有動氣曰奔豚在上者湧之曰吐在下者洩之曰利左關曰人迎右關曰氣口足趺上動脈曰衝陽內踝骨上陷中動脈曰太谿婦人乳直下筋骨間近腹處曰期門臍下一寸曰氣海千金方指迷方並云一寸五分此謂從其心量下一寸五分

也二寸曰丹田三寸曰關元血曰榮氣曰衛玄府曰汗孔素問生氣通天勞汗當風注云玄府即汗孔也手足搖擗曰瘈瘲二陽俱病曰合病先二陽俱病而後一陽自病曰併病陰陽俱病曰兩感先曰陰陽雙傳四肢病曰未疾大抵有風則四肢不收左傳曰風淫末疾者是也傷寒諸篇證搖頭直視形如烟熏心絕唇脣反青四肢多汗肝絕反目直視狂言遺尿腎絕汗出髮潤喘而不休肺絕環口鰲黑柔汗發黃脾絕汗出如油喘息

無已水漿不下形體不仁命絕大發濕家汗則成瘰發
濕溫汗身青面變耳聾不語曰重竭不治發風濕汗必
譫語不治發少陽汗則譫語發汗只在頭面不至遍身
鼻衄不止者逆發汗不至者逆諸逆發汗劇者言亂
目眩並不治當汗無汗服麻黃湯數劑汗不出者不治
汗出如流不治汗出如油口噤肉戰聲低喘促不治汗
後嘔吐水藥不入口者逆熱病脈躁盛而不得汗不治
汗後不為汗衰復大熱躁疾狂言不食曰陰陽交不治

忽冒昧無脉服藥後汗解則生若無汗脉不至者不治
少陰厥逆無脉服藥通脉其脉漸續則生暴出則不治
下利厥逆無脉灸之脉不回身不溫不治少陰四逆下
利惡寒而趺發躁無脉不治下利日十餘行其脉反實
者逆少陽陽明合病下利脉長大而弦曰負不治陽病
見陰脉者不治發斑屬陽見陰脉不治代脉不治吐血
衄血脉反浮大而牢不治陰易陽易脉離經外腎腫腹
中絞痛手足拳攣不治欬逆上氣脉止者不治譫語脉

反沉微四肢厥冷不治脈陰陽俱虛熱不止者不治七
八日以上發大逆難治舌本爛身熱或汗不止厥不止
並不治下利發熱厥逆躁不得眠不治譫語直視或喘
滿或下利並不治譫語屬陽見陰證者逆傷寒脈乍疎
乍數不治發斑先赤後黯面色黧晦不治發斑大便秘
利不治發黃而變黑不治舌乾黑不治口張目陷不治
張口出氣乾嘔骨體熱痛者逆咳逆不止者不治心下
痞悶上氣喘急者逆霍亂喘脹煩躁不治誤下濕家額

汗喘促或小便不利大便自利不治頭汗內外關格小便不利此為陽脫不治腹滿咳逆不得小便不治腹大滿而不泄不治若脈洪緊而滑尤可慮臟結如結胸舌上白胎陰筋引臍腹痛時下利不治結胸證具更加煩躁不治臟厥七八日膚冷煩躁下利無時暫安不治少陰吐利厥逆煩躁不治厥而下利反能食者曰除中不治四肢厥逆臍下絞痛石硬睛定者逆厥陰證唇青舌卷面黑耳聾囊縮不治頭連胸痛甚手足俱寒不治

陰毒陽毒過六七日不治狐戴咽乾聲啞唇瘡不治赤
斑五救其一黑斑十救其一尋衣摸空者逆 總括論
云傷寒汗吐下之法最不可輕據脉以驗證問證而對
脉太陽者陽病證之表也陽明者陽證之裏也少陽者
三陽三陰之間太陰少陰厥陰又居於裏總而謂之陽
證也發於陽則太陽為之首發於陰則少陰為之先太
陽惡寒而少陰亦惡寒但太陽之脈多浮少陰之脈沉
細與其他證狀亦自異也發熱惡寒身體疼痛或自汗

或無汗是為表證可汗不惡寒反惡熱手掌心并腋下
澀澀然而汗出口燥咽乾壯熱腹滿小便如常不白而
少大便秘鞭是為裏證可下厥冷踈默自利煩躁而無
身熱頭疼是為陰證可溫其脈單浮與浮洪浮數浮緊
者此表病之脈滑實弦緊中間數盛者此裏病之脈沉
細緩弱者此陰病之脈在表者邪搏於榮衛之間在裏
者邪入於胃府之內胃府而下少陰居焉若傳次三陰
則為邪氣入臟矣榮與衛均為表也亦均可汗也然自

汗者為傷風風傷衛氣衛行脉外其脉浮緩而病尚淺則以桂枝湯助陽而汗之無汗者為傷寒寒傷榮氣榮行脉中其脉浮緊而病稍深則以麻黃湯助陽而汗之榮衛固為表也胃腑亦可以為表也然以臟腑而分表裏則在腑者胃之表在臟者胃之裏謂取諸腑可以表言若令榮衛腑臟而分之則表者榮衛之所行裏者胃腑之所主而臟則又深於裏者矣審脉問證辨名定經真知其為表邪則汗之真知其為裏邪則下之真知其

為陰病則溫之表有邪則為陽虛陰盛而發表之藥用
溫裏有邪則為陰虛陽盛而攻裏之藥用寒陰經受邪
則為臟病而溫陰之藥用熱是三者貴乎得中否則寧
可不及亦不可太過得中者上也不及者次也夫苟太
過則斯為下矣蓋得中者如此而汗如彼而下又如彼
而溫桂枝承氣投之不差薑附理中發而必中重者用
藥緊輕者用藥微不背陰陽深合法度故曰得中者上
也寧可不及者證與脈大同而小異名與經似異而實

同當五分取汗而三分之劑散之當五分轉下而三分之劑導之當純用溫裏而略溫之劑扶持之未可汗下者與之和解未可遽溫者且安其中若猶未也則增減於其間細細而加推詳徐徐而就條理雖未遽安亦無傳變故曰寧可不及者次也太過者粗工不知深淺輕舉妄動者為之或問證而不知脈或執脈而不對證或名實之不辨或日數之拘泥遂有汗下太早之失甚者不問陰陽當汗而反下則為痞為結胸為懊懣當下而

反汗則為譫語為亡陽為動經為下厥上竭至於陽厥
似陰之證誤以剛劑投之黑斑發狂悶亂可畏性命至
貴可輕試哉故曰夫苟太過則斯為下矣大抵治傷寒
有法與治他病不同條例得審藥進病除投劑少差死
生立異古之人處方立論曰可汗曰可下曰可溫曰和
解曰少與曰急下曰隨證滲泄與夫先溫其裏乃發其
表先解其表乃攻其裏謂知音者若網在綱有條不紊
此固得中者之事也若班固所謂病以不服藥為中醫

許仁則以為守過七日最為得計此非寧可不及之意乎王叔和善脈而且以承氣為戒虞世南善方而論傷寒一節且謂麻黃桂枝非深於其道則莫之敢為又非所以為太過者之戒乎論而至此則知古人之立論甚嚴而傷寒汗下溫之法固自有定論也經云傷寒六七日目中不了了無表裏證脈雖浮亦有可下者少陰二三日無表證亦有可汗者陰證四逆法當用溫而四逆散輩中有柴胡枳殼此豈厚誣哉醫在九流之中非圓

機之士不足與語也何者脈雖浮而亦可下無表裏證者謂六七日大便難也藉使大便不難其敢輕下之乎少陰病亦有發汗者謂陰證初病便屬少陰而反發熱少陰本無熱今反發熱者是表猶未解故用溫藥微取其汗也藉使身不發熱其敢輕汗之乎四逆湯用薑附四逆散用枳柴一熱一寒並主厥逆固不侔矣然傳經之邪與陰經受邪初病便厥者不同故四逆散用藥主寒先陽而後陰也四逆湯用藥主熱陽不足而陰有餘

也其敢例視陰逆一切溫之乎不特此耳傷寒有始得病其脉沉數外證腹滿口燥煩渴即為陽盛入內之證醫當以下劑攻之不可槩以三日在太陽而發表也前所為陰證傷寒初病以來便見脉沉厥冷惡寒更無頭痛即是少陰受病之證醫法以乾薑附子輩溫之又不可概以三陰傳次先太陰而後少陰也若張氏之論日數而曰日數雖多但有表證而脉浮者猶可發汗日數雖少若有裏證而脉沉實者即須下之是日數之不可


拘也如此孫思邈云服承氣得利謹勿補中以熱氣得
補復盛此所以言實熱也王叔和有曰虛熱不可去熱
去則寒起此所以言虛熱也二言之殊途同歸是虛實
之不可不辨也如此又況寒溫熱同實而不同名暑濕
風異種而有兼病異氣之相乘他邪之並作表證中之
有不可汗裏証中之有不可下三陰可溫有熱證者不
同表裏俱見與半表裏者有異中暑熱病疑似難明傷
寒傷風脉證互見陽明本多汗而有反無汗之別少陰

本無汗而有反自汗之證或陰極發躁熱極發厥陽證似陰陰證似陽差之毫釐繆以千里又有痰證食積虛煩脚氣等證似傷寒之病自非心領意會達變知幾體認之精發用之審則縱橫泛應幾何而不窮哉孔子曰可與適道未可與立可與立未可與權是說也亦在夫人權之而已矣 危氏得効方傷寒撮要論云凡發汗法欲令手足俱周濺濺然一時許為佳不欲淋漓如水服湯中病即已不必盡劑若發汗後病證仍在者三日

內可再三汗之令腰脚間周遍為度凡轉下法須體認得合下之證明白在陽明胃經則不拘日數過時失下則氣血不通四肢便厥不識者疑為陰厥復進熱藥禍如反掌若少陰腎經太陰脾經下證悉具服湯後已更衣者不須盡劑陽明病得利瘥慎勿服補中藥以熱氣得補復成更復下之是重困也宜消息安養之凡取吐法服吐藥後不大吐則當以手指探之便吐矣不吐稍增藥以吐為度若吐少病不除明日再服吐藥可至再

三但虛人宜少吐藥力過多者飲水解之凡水漬法以
疊布數重新水漬之稍掇去水搭於胸上須臾蒸熱又
漬令冷如前用之仍數易新水日數十易熱甚者着病
人於水中熱勢退則已亦良法也凡葱熨法用葱一束
以絲纏如餅餠大去根惟存白三寸許先以火煨一面
令通熱勿至灼人乃以熱處着病人臍下上用熨斗盛
火熨之令葱餅熱氣透入腹中更用三四餅候病人醒
手足溫有汗乃止凡蒸法以薪火燒地良久可以水洒

之取蠶砂栢葉桃葉糠麩皆可用相和鋪燒地上面鋪草蓆令病人上臥溫覆之夏月熱只用布單覆之汗移時立至俟脚心有汗乃用溫粉撲上移上牀最得力者蠶砂栢葉桃葉也無蠶砂亦得



普濟方卷一百二十一